



सानसेयारि 'बड'सा' खरीरालाइयाव समाज्यादि जिउजो लोब्बा थाबाय नायथाय, खन्थाय, खल, खल'बाथा आरो दावबायारि थावनि, पार्क बाइदिनि सायाव लिन्नाय लिन्बिबां देथाय हर/ सानसेयारि 'बड'सा' खरीरालाइया खेबखानबे फोसावगोन!

बड'सायाव लिन्नायलि दुबा खालाम, 'बड'सा' खरी नोथां, जो बयबो आंगो खालाम/

सानसेयारि बड'सा मावखुनि
माइबं नोगोर, जोहोलाव देमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Friday ★ 25 October, 2024 Kokrajhar, BTC, Assam ★ Vol.- 34, Issue No.207 R.N.I.Regd.No. 40994/91, Assam Govt.Regd.No.IPRD.40/2006/3, ★ Rs.8/-

चिदली बिधान सभा बियाबनि इउपिपिएल दोलोनि बिजाथि निर्मल कुमार ब्रह्मआ बिजाथिलाइ गथायबाय

कक्राझार, 24 अक्टबर: एनडिए जुथाय हान्जाजो हेफाजाब होजानाय, बिटिसिनि खुंथाइ गोहोयाव थानाय इउपिपिएल दोलोनि बिजाथि निर्मल कुमार ब्रह्मआ दिने रोजा-रोजा हेफाजाबगिरिफोरनि नुजाथिनायाव चिरां जिल्लानि रिटार्नि अफिसार आरो जिल्ला बेंगिरिनि सिगाडव चिदली बिधान सभा बियाबनि उफ्रा बिसायख 'थिनि थाखाय गावनि बिजाथिलाइखौ गथायो। चिदली बिधान सभा बियाबनि उफ्रा बिसायख 'थिया 13 नभेम्बराव आसाम राइज्योनि



गुबुन मोनब्रै बिधान सभा बियाबफोर जो लोगोसे खुंजागोन। बिजाथिलाइ गथायनाय समाव निर्मल कुमार ब्रह्मजो लोगोसे बिटिसिनि गाहाय मावफुं सोद्रोमा आरो इउपिपिएलनि आफादगिरि प्रमद बर', आसाम बिजेपिनि आफादगिरि भवेश कलिता, आसामनि केबिनेट मन्त्रि अशक सिंघाल, एम पि रेनगोरा नाजरी, फनि भुषन चौधुरी, जयन्त (□ 6 बिलाइआव)

कक्राझारआव बांबोनाय मेलेरियाखौ होबथानो थाबैनो राहा लानो प्रमद बरनि बिथोन

कक्राझार, 24 अक्टबर: बिटिसिनि गाहाइ मावफुं सोद्रोमा प्रमद बर'आ ककराझारआव मेलेरियानि बेरामनि गिखुंथाव बांनायखौ फोजोबनो थाबैनो फाहामथायारि राहा लानो बिथोन होदों। बिटिसि बिधान सभानि सावराय न'बलाडाव थासारि खौ नायबिजिरनाय मेलोव प्रमद बर'आ मेलेरिया होबथानायनि सायाव राइजो-राजाफोरखौ सोलोथाइ होनो सांग्रांथि हाबाफारिनि गोनाथिनि सायाव



गोसो होयो। बिथाइ बेरामनि गोसारनायखौ होबथानो थाखाय सुबुं समाजो लैखोन, गोसारनाय आरो होबथाग्रा आदबफोरनि गोनाथिनि सायाव गोसो होयो। बिथाइ बेरामनि फिन्नायखौ खाबु गोनां खालामनो थाखाय, बिटिसिनि प्रिन्सिपाल सेक्रेटारि आकाश बाग् दिपनि देदेनायाव मोनसे जथाय फोरमायनायनि गोनाथिनि (□ 6 बिलाइआव)

1 नभेम्बरनिफ्राय काजिरडा माहारियारि पार्कआव मैदेर साफारि बेखेवगोन



गुवाहाटी, 24 अक्टबर: फैंगौ 1 नभेम्बरनिफ्राय काजिरडा माहारियारि पार्कनि थाखाय 2024-25 दावबायारि बोसोरनि मैदेर साफारिखौ बेखेवगोन। थांनाय 1 अक्टबरनिफ्राय

पार्कआव जीप साफारिखौ बेखेवनायनि उनाव गुबुन गुबुन बोसोरनि बायदिनो फैंगौ 1 नभेम्बराव मैदेर साफारि बेखेवो थियारि जादों माहारियारि पार्क बिफानारिया। बेजों लोगोसे मैदेरनि देहा आन्जाद नायनायनि उनावसो माहारियारि पार्कआव बिफाननिफ्राय फिसिनाय मैदेर साफारियाव बाहायनो थि खालामदों पार्क बिफानारिया। थांनाय 1 अक्टबरव (□ 6 बिलाइआव)

उफ्रा बिसायख 'थिनि थाखाय दिने सा 9 बिजाथिफोरा नमिनेसनलाइ गथायबाय

दिसपुर, 24 अक्टबर: उफ्रा बिसायख 'थि खुंनो गोनां दर 5 बिधान सभा बियाबनि थाखाय दिने सा 9 बिजाथिफोरा नमिनेसनलाइ गथायो। बेनि गेजेराव 11 नं दलाय बिधान सभा बियाबआव सा 4 बिजाथिफोर, 31 नं सिदली बिधान सभा बियाबआव सा 1, 32 नं बडइगाव बिधान सभा बियाबआव सा 2 आरो 88 नं चामुगुरि बिधान सभा बियाबआव सा 2 बिजाथिफोरा गावसोरनि नमिनेसनलाइखौ गथायो। बेखौ लानानै उफ्रा बिसायख 'थिनि थाखाय दिनेसिम (□ 6 बिलाइआव)

हरिसिंगा ब्लक कमिटि बिपिएफनि खुंगा 11थि बोसोरसालिया जथुम्माया जोबलांबाय

बिटिआर गोरोबथानि दफाखौ मावफुंनायाव फेलें जादों सोलिफु सरकारआ: रिहब देमारि

बड'सा थान्दे/उदालगुरि, 24 अक्टबर: बड'लेण्डआव थानाय गुबुन गुबुन ओन्सोलारि राजखान्थि हान्जाफोरखौ बे समाव फैंबाय थानाय बिसायख 'थिखौ नोजोर बोनानै गावबा गावनि हान्जाखौ गोखौ खालामनाय आरो हान्जायाव गोदानै सोद्रोमा थिसन्नाय, गोदान आफाद दाफामनाय (□ 6 बिलाइआव)



सालबारि फरायसालिमायाव नाकनि नायबिजिरि हान्जाया नायगिदिंफैदों



भबानिपुर, 24 अक्टबर: बाक्सा जिल्लानि सालबारि महकुमा सदरआव थानाय सालबारि फरायसालिमायाव साननैनि हाबाफारिजों नेसनेल एसेसमेन्ट एन्ड एक्स्ट्रिटेसन काउन्सिल (नाक)नि साथाम नायबिजिरिगिरिनि मोनसे हान्जाया फरायसालिमानि गुबुन गुबुन दिगाफोरखौ नायगिदिंफैदों। मख'नो (□ 6 बिलाइआव)

साइक्लन डानाआ उरिष्या आरो सोनाब बंग 'नि बोसोरमायाव सौग्राव फैंबाय

आसामजों लोगोसे सा-सान्जानि माखासे राइज्योफोराव डानानि गोहोमजों अखा हागोन

गोदान दिल्ली, 24 अक्टबर: बंगप लैथोयाव सोमजिखानाय गिदिंखन बारहुंखा डानाआ दिने हरगेजेराव 120 कि:मि: गोखैथिजों उरिष्या आरो सोनाब बंग 'नि लैथो बोसोरमायाव सौग्राव फैंबाय। हादतनि बोथोर बिफानआ फोसावनाय बायदिथै (□ 6 बिलाइआव)



बिपिएफ दोलोनि मिरुनि नेहाथारि रफिक आहमेदआ बिबान एंगारबाय

नव कुमार शरनियाआ बायनाय-फान्नाय राजखान्थिखौ बन्द 'खालाम: अबर' सुरक्षा कमिटि

भबानिपुर, 24 अक्टबर: बिपिएफ दोलोनि मिरुनि नेहाथारि रफिक आहमेदआ बिपिएफ दोलोखौ नागरबाय। बिबान एंगारनाय लाइजामखौ दासान्दि बिपिएफ दोलोनि मिरुनि आफादगिरिनिमिस देथाय हरदों। मख'नो गोनांदि, दिने (□ 6 बिलाइआव)



निकासिआव फैंगौ 14 डिसेम्बरआव साननैनि हाबाफारिजों निकासि गोजो गेजेर इराजि फरायसालिनि स'नाथि माइथाय फोर्बो फालिगोन

मुसलपुर, 24 अक्टबर: बाक्सा जिल्लानि जारिमिनारि सोलोथाइ फसंथान निकासि गोजो गेजेर इराजि फरायसालिनि स'नाथि माइथाय फोर्बो फालिथायखौ फैंगौ 14 आरो 15 डिसेम्बरआव साननैनि हाबाफारिजों खुंनो



अरां गोजौसिन गेजेरारि फरायसालियाव आरबिएसकेनि बान्जायनायाव देहा आन्जाद आरो फाहामथाय बाद खुंदों



उदालगुरि, 24 अक्टबर: उदालगुरि जिल्लानि अरां खोन्दी गुदि देहा मिरुनि आरबिएसकेनि बान्जायनायाव अरां गोजौसिन गेजेरारि फरायसालियाव गथ'सापोरनि देहा आन्जाद आरो पाहामथाय बाद खुंनाय जायो। बे फाहामथाय बादयाव गथ'सा बेरामनि रोंग'सार डा: चन्दन कुमार शाहा, हाथाय बेरामनि (□ 6 बिलाइआव)

साखा-फारा खालामगासिनो दं। 1973 माइथायाव माखासे सुबुंफोरनि नाजानायाव बे निकासि गोजो गेजेर इराजि फरायसालिया गायसन जादोंमोन। गायसन जानाय समनिफ्रायनो ओन्सोलनि फरायसाफोर सिरिथै सोलोथाइ लाबोदों। बे फरायसालियाव (□ 6 बिलाइआव)

सेउनिगाव आरो सुक्लाइ आयुष्मान आरइ मन्दिरआव एनकिउएएसनि थान्दे हान्जाया नायगिदिंफैदों

उदालगुरि, 24 अक्टबर: हायुंआरि गुन रोखा खालामनाय मानथाखो सुंदथै एनकिउएएसनि मोनसे थान्दे हान्जाया सेउनिगाव आरो सुक्लाइआव नायगिदिंफैदों। देहा सिबिथायनि मानखौ नायबिजिरनो

थाखाय फेनाय थान्दे हान्जायाव दं देहरादुनि डा: वमकेश मिश्रा आरो सुप्रिया चौधुरीआ। थान्दे हान्जाया लेडाइ देहा मिरुफोरखौ मोजाडे नायबिजिरनानै गुन गोनां मानखौ रोखा खालामो। नायबिजिर हान्जाया शुक्रवारखालि 2 नं सुक्लाइ आरो शनिवारखालि सेउनिगाव लेडाइ देहा मिरुआव (□ 6 बिलाइआव)

मोनसे फोसावलाइ

गोजोन्थाव खौरं, फैंगौ 28, 29 आरो 30 अक्टबर 2024 (समवार, मंगलवार आरो बुधवार)आव सेथि खेब सभा ब्रह्म मिउजिक एण्ड फाइन आर्ट कलेजआव "उदां बोथोरनि बोसोरारि न'नि मेला"जों लोब्बा लाखिनानै बे फरायसालिमानि सोलोसाफोरनि आखायनि सोरजिथायखौ लानानै मोनसे बायनाय-फान्नायनि मेला खुंनो लाहार-फाहार खालामनाय जादों। बिनि थाखायनो नोंथांमोनखौ बे आयदानि सोलोसाफोरनि सोरजिथाय बिथिडव थुलुंगाखौ होनो आरो बे मेलाखौ खुंफुंनायाव नुजाथि फेनानै हेफाजाब होफेनो थाखाय गंगलायै खावलायहरनाय जाबाय।

Larlie Brahma
Principal
Sobha Brahma Music and Fine Arts College
Kokrajhar

सरुपेटा खाजोना बेंखन मावखुलिखौ बन्द खालामनो फोसावनायनि हेंथायै लाइमोन फरायसा आफादनि नोगोरारि मेल



भबानिपुर, 24 अक्टबर: बेंखन मावखुलिजों लोगोसे आसामनि गासै गं 36 खाजोना सिगांनि भबानिपुर बिधान सभा

बियाव आरो आथिखालनि भबानिपुर-सरुपेटा बिधान सभा बियाबनि सिडव थानाय सरुपेटा खाजोना बेंखन मावखुलिखौ बन्द खालामनो थाखाय आसाम सरकारा फोसावथाय होनायनि उनाव सुपेटा-भबानिपुर ओन्सोलनि गुबुन गुबुन दोलो- (□ 6 बिलाइआव)

सुजुगिरिनि खोलोम

मैखुन आबाद

मैखुना सुबुं देहानि थाखाय गोनां आदार। मैगं

हारिनि बे मैखुनाव गोबां बिबानि प्रटिन, भिटामिन बाइदिसिना गुदि मुवाजों आबुं थानायखायनो मैखुना गासै थाखोनि थाखाय बाहाय जानो हाथाव मैगं। सुबुं देहायाव नांनय गोनां मुवाफोरनि गेजेराव मैखुननि बान्जायनाया बयनिखुइबो सिगां होन्नानै बुंनंगोन। गोदो-गोदायनिफ्रायनो मैखुना बर'फोरनि जाथोसे मोजां मैगं महरे मुं गोनांखा। अदेबानि सम सम हाग्रानि मैखुन फाग्ला जानानै मानसि थैनाय, लोमजानाया आथिखाल आसामनि थाखाय गोदान जाथाय होन्नानै सानजालिया। जाग्राया जादों मिथिनानैबो-थैग्रायाबो थैयो जानानै गाव मिबथिसाब्ला जासे। खौरांबो ओंखारफलायो मैखुन जानानै थैनाय। अब्लाबो नागरा मैखुननि हाबिला।

बर'फ्रा गोदो-गोदायनिफ्राय मैखुन जानाय हुदा दंखायोब्लाबो आथिखालनि बानायनानै एबा आबाद खालामनानै जानायनि खाबु-राहा गैयामोन आरो बेनि गोनोखोयारि दिहुनथायनि राहायाबो गेबे नडामोन। अब्लाबो बर'फ्रा जिगाव मैखुन, जुजाय मैखुन, हाफाव मैखुन, बिफां मुरायाव रज'नाय मैखुनफोरखौनो बबेया बिबो गैया बेफोरखौ सायख'नानै बोथिसे -मैखुन-अनदला, एउनाय, मैखुन-मैथा, अमा-मैखुननि लान्ना जानाया आथिखालनि'बाथा नडा, गोदो गोदाय आजै-आजौमोननि समनिफ्रायनो बर'फ्रा बे थाखोनि मैगं-थायगंखौ जाबोदों आरो जागासिनोबो थायो। नाथाय खैफोदनि बाथाया जाहैदों-बेखौ सिनाइनानै जानो रोडैयाव। मैखुन जानो मोजां मोनोब्लाबो बर'फ्रा गोनोखो आदोबजों बाडाइ सम आरो बाडाइ खरसा गारनानै मैखुन आबाद खालामनानै जानायाव नाथाय दैलो। आथिखालाव जायगा लायै जायगा मैखुन आबाद खालामनानै फालांगि खालामनो एबा जानो थाखाय बिफानारिनि जोहै जोलै बेगर बुधुमनानै बे आबादखौ मावनायनि गोरलै खाबु आरो राहा दंसै। बेफोर राहानि गेजेरजोंनो-मैखुन आबाद दिखानानै मैखुननि आंखाल फोलोमनायजों लोगोसे फालांगियारि बिथिडैबो आबाद दैखानो गोलै जानानै फेबाय। बेफोर आदोबनि गेजेरजोंबो गावनो नांनइसेबां मैखुन दिहुनानै गावनि नांगौखौ फोलोमनायजों लोगोसे गुबुनफोरनोबो फालांगियारि आदोबै मैखुननि साहिदाखौ सुफुं नो हायोब्ला रांखावरि आर्जिनयनिबो लामा मोनफुं नो हागौ।

दिनैनि फान्जामुथि

राशि बाइदियै मुनि गिबि हांखो

मेघ : अ ल बुध : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ठ (ण ष) तुला : त र बृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेघ:** माबाफोर मोजां खामानि मावनानै लानो हागोन। सान्नाया जाफुंगोन। शुभ दिन।
- बुध:** बायदिसिना रोखोमनि जेनाजों भुगिनांनो हागौ। गोसोखौ धैज्य हमनानै थानाया मोजां।
- मिथुन:** सोरनिबा दारे रांखावरि मुलाम्फा मोनो हागौ। गोसोखौ गोजोन मोनगोन। मोजां सान।
- कर्कट:** जिउआव गोबां गोजोन्नायखौ मोनो हागोन। गोजोनै सम बारहोनो हागोन। मोजां सान।
- सिंह:** बायदिसिना रोखोमनि सुजुग-सुबिदा मोनो हागोन। गोसोखौ गोजोन मोनगोन।
- कन्या:** माबाफोर मुवा-बेसाद मोनो हागौ। गोसोआव रंजानाय मोनगोन। मोजां सान।
- तुला:** माबाफोर खैफोद-आफोदआव गोम्लैबायनो हागौ। जैरेबो सांघां जानानै थानांगोन। गात्रि सम।
- बृश्चिक:** जेखि बादाया देहसासनायखौ मोनो हागोन। मुंदांखा जानो हागोन। मोजां सम।
- धनु:** माखौबा लानानै दावराव-दावसि जानो हागौ। गोसोखौ हमथानानै थानाया गाहाम।
- मकर:** सुखु-गोजोनै थानो हागोन। नख'र संसारआ जौगानाय फेगोन।
- कुम्भ:** जेखि खामानिखौनो मावा मानो जाफुंहोनो हागोन। फारफोमथिबो मोजां।
- मीन:** मानिबाफोर आसा खालामनाय दड्बा जाफुंनयखौ मोनो हागोन। गोसोखौ गोजोन मोनगोन।

मिज'रामआव पेट्रल-डिजेलनि बेसेन बांनयानि हेँथायै 12 घन्टा बन्द' खालामदों

आइजल, 24 अक्टुबर: मिज'राम फालांगियारि गारि (एमसिभिइउ) नि एजिसआव फालांगियारि गारि बिगोमाफोर आरो सालायगिरिफोर, मिज'राम एटनि खमैबो मोन 10 आफादफोर पेट्रल आरो डिजेलनि बेसेन बांनयखौ खमायनांगोनि दाबि दैखाना बुधबारखालि फुनि 6:00 रिगानिफ्राय मोनाबिलि 6:00 रिगसिम हरताल खालामो। बेनि गेजेरजों राइज्योनि राजथावनि आइजल आरो गुबुन माखासे सहरफोराव दावबायारिफोर जेनाजों मोगा-मोगि जानांदों। मानोना आइजलआव बास आरो राइज्योनि सिडव खेब बायदि पाब्लिक गारिफोरा गाहाइ



लामाजों हाबनो मोनाखै। मख'जाथावदि, मिज'राम सरकारआ पेट्रलनि सायाव भेट जाबिसिन्नायखौ 5.23

जौखोन्दोनिफ्राय बारायना 10 जौखोन्दो आरो डिजेलनि सायाव 16.36 जौखोन्दोनिफ्राय बारायनानै 18 जौखोन्दो

खालामना होयो, जाय थानाय 1 सोप्टेम्बरनिफ्राय गोहोम

कानाडानि गाहाइ मन्थि जरिस्टन टुड'नि जेनाया बांदों



अटवा 24 अक्टुबर: कानाडानि गाहाइ मन्थि जरिस्टन टुड'नि जेनाया बांगोसिनो थानायखौ नुनो मोन्दों। कानाडायव टुड'नि बिबान एंगारनायनि दाबिआ गोख्रौसिन जाबय। एमपिफोरा बिथांखौ बिबान एंगारनो थाखाय 28 अक्टुबरसिम सम होदों। सीबीसी निउजनि फोरमायथिनाय बायदिव्ला लिबारेल एमपिफोरा टुड'नि बिबान एंगारनायनि दाबिजों पार्लियामेन्ट हिलआव ज' जादों। मोनसे बन्द'-दरजा सावरायनाय जादों, जेराव गोजोननाय गैयै आयेन दागिरिफोरा जरिस्टन टुड'नो गावसोरनि अजदफोरखौ फोरमायदों। दा बेखौ बुंनो हायोदि, टुड'नि हेँथायै पार्टीनि सिडव गोजोननाय गैयैआ गेवलांसारबाय। हाउस अफ कमन्सनि जथुम्मानि मेलाव एमपिफोरा जरिस्टन टुड'नि बिबान एंगारनो दाबि दैखानों। बुधबारव

जानाय सावरायमेलाव, गोसो गैयै एमपिफोरा गावसोरनि सान्नायफोरखौ थोंजोडे गाहाइ मन्थि टुड'नो फोरमायदों। बेयो रोखादि, टुड'आ गावनि दोलोनि सिडवनो बांलांनय गोजोननाय गैयैखो मोगा-मोगि जानांदों। गोजोननाय गैयै लिबारेल एमपिफोराबो टुड'खौ गाहाइ मन्थिनि मासिखौ एंगारनो थाखाय 28 अक्टुबरसिम जोबथा सम होदों। बुधबारव ककस जथुमनि समाव, टुड'नि बिबान एंगारनायनि के सखौ फोरमायनाय मोनसे खाखिबो गथायनाय जादों। सीबीसी निउजनि मोनसे रिपर्टनि बायदिव्ला, रेडिअ कानाडाजों रायन्लायग्रा सुलुंफोरा बुडेदि, सा 24 आयेन दागिरिफोरा टुड'नि बिबान एंगारनो थाखाय मोनसे गोरोबथायाव सागान होदों। सावरायनायनि समाव,

ब्रिटिश कलम्बियानि एमपि पेट्रिक वेइलरआ मोनसे खाखि गथायदों, जेराव टुड'नि बिबान एंगारनायनि फारसे बाथा दान्थेलायनाय जादों। बेयो सुबुरुन होदोंदि, आमेरिकानि हादरगिरि ज' बाइडेनआ हादरगिरिनि थाखाय बिसायख'थि गेलेनायनिफ्राय जानगाराव थानायनि उनाव डेम'क्रेटफोरा नुनाय बायदि रोखोमसे रोंमोन्दाथिखौ मोनदानो हागौ। 13 घन्टानि सावरायनायनि समाव, एमपिफोरखौ गावसोरनि बाथाफोरखौ दिन्थिनो थाखाय साफ्रोमनोबो 2 मिनिट सम होनाय जादोंमोन। बे समाव गोबां एमपिफोरा टुड'नि बेरेखामोन आरो माखासेआ बिथानि मददआव नुजादों। बे थासारियाव टुड'आ बावैसो फिन खेबसेबाव भारतनि बेरेखायै ओंथि गैयै अजद होदों। बिथाड खालिस्तानी निज्जरखौ बुथारनायाव भारतनि आखाय दं होनना अजद होयो। बबेखानि, भारतआ बिथानि अजदफोरखौ नेवसिगारदों। टुड'आ कानाडा आरो भारतनि सोमोन्दोआव गात्रि थासारि सोमजिहोदों। भारतआ कानाडानिफ्राय गावनि हाइ कमिसनारखौबो बोखारफिनबाय।

मणिपुरआव रेखाथि हान्जाफोरा अपारेसननि गेजेरजों गोबां हाथियार बोखांदों



गुवाहाटी, 24 अक्टुबर: मणिपुरआव थिसनजानाय रेखाथि हान्जाफोरा थानाय 48 घन्टयाव हाथियार, गुलि-बारुद, बमा आरो गुबुन दावहानि मुवाफोरखौ बोखांनो मोन्दों। रेखाथि सुबुं फोनांजाब बिबानगिरि आरो मणिपुर, नागालेन्ड, खोला अरुणाचल प्रदेशनि बुंथिगिरिआ मोनसे फिन्नायाव बुंदोंदि, चुराचान्दपुर, सन्देल आरो तौबल

जिल्लाफोराव जुथायै सालायनाय अपारेसननि मोनसे हाबाफारियाव भारतआरि सान्थि आरो आसाम राइफल्सआ मणिपुर, गुबुन रेखाथि हान्जाफोरजों लोगो नांन हाजो आरो हायेन ओन्सोलफोरनिफ्राय गं 11 हाथियारफोरजों लोगोसे दावहायाव बाहायग्रा गुबुन मुवाफोरखौ बोखांनो हायो।

मोनसे स्रोद खौरांखौ बिथा खालामना भारतीय सान्थि हान्जाया चुराचान्दपुर जिल्लानि तरइलक ओन्सोलाव मणिपुर पुलिस आरो सिआरपिएफनि हेफाजबजों मोनसे अपारेसनखौ थानाय मंगलबाराव जागायदों मोन। जुथायआ फिन्नायाव बुंनय जादोंदि, जुथाय अपारेसनआव गंसे देसि मतर, गंसे देसि पिस्टल, हेन्ड

इन्डियान अयेलआ पेट्रल-डिजेलनि बेसेनखौ फोसावदों

गोदान दिल्ली, 24 अक्टुबर : थाव कम्पानीफोर सिगांनि बायदिनो दिने 24 अक्टुबर बृहस्पतिवारखालिबो पेट्रल-डिजेलनि बेसेनखौ फोसावदों। इन्डियान अयेलनि अफिसियल वेबसाइटआव फोसावनाय बायदिव्ला दिल्लीयाव 1 लिटर पेट्रलनि बेसेना 94.72 रं आरो डिजेलनि बेसेना 87.62 रं। मुम्बाइआव पेट्रलनि बेसेना लिटरफ्रोमआव 103.44 रं आरो डिजेलनि बेसेना 89.97 रं। बेनिफ्राय कलकातायाव लिटरफ्रोमबो पेट्रलनि बेसेना 104.95 रं आरो डिजेलआ 91.76 रं। बेफोर नोगोरमानि अनगायै हादतनि गुबुन नोगोरमाफोरनि पेट्रल आरो डिजेलनि बेसेनखौबो इन्डियान अयेल वेबसाइटआव फोसावदों। जैरे चेन्नाइआव पेट्रलनि बेसेना 100.75 रं आरो डिजेलनि बेसेना 92.34 रं, नएडयाव पेट्रलखौ लिटरव 94.83 रं आरो डिजेलखौ 87.96 रडव मोन्दों। फारसेथिं गुरुग्रामआव पेट्रलखौ लिटरव 95.19 रं आरो डिजेलखौ 88.05 रं, बेगालूरआव पेट्रलखौ 102.86 रं आरो डिजेलखौ 88.94 रं, चन्दिगडआव पेट्रलखौ 94.24 रं आरो डिजेलखौ 82.40 रंआव मोनो हादों। हादतनि गुबुन माखासे नोगोरमाफोरनि



गेजेराव हाइड्राबादआव पेट्रलखौ 107.41 रं (लिटरफ्रोमआव) आरो डिजेलखौ 95.65 रंआव मोनो हादों। मख'नो गोनांदि, हादतनि सहरफोखव पेट्रल आरो डिजेलनि बेसेना एखेयै फान्जाया फारसेथिं पेट्रल आरो

डिजेलनि बेसेननि सायाव जिएसटि जाबसिन्नायबो जाया। राइज्यो सरकार बेनि सायाव भेट एबा भल्लु एडेट टेक्स जाबसिन्ना होयो। बेनिखायनो भटनि हारआ दरफ्रोमबो राइज्योआव आलादा जायो आरो बेजोंनो पेट्रल-डिजेलनि बेसेना गुबुन गुबुन जायो।

Name Correction

That, my actual and correct name is Shukle Singha, D/O. Sheoka Roy. But, in my all other relevant documents my name is wrongly recorded as Shukleswari Roy instead of Shukle Singha. **Shukle Singha. Vill.- Chautaki P.O.- Kalipukhuri Dist.- Kokrajhar B.T.R. Assam.**

Name Correction

That, my actual and correct name is Bhalen Roy, S/O. Lt. Biliram Roy. But, in my all other relevant documents my name is wrongly recorded as Bhalendra Chandra Roy instead of Bhalen Roy. **Bhalen Roy Vill.- Kshudra Basugaon P.S.&Dist.- Kokrajhar P.O.- Kalipukhuri PIN.-783369**

Name Correction

That, my actual and correct name and surname spells as Mausumi Narzary and the same has been recorded in my all Testimonials and Aadhaar Card. That, my name has been recorded as Mausuni i.e Mausuni Narzary in my land record admeasuring 0(Zero) Bigha 02(Two) Kathas 10(Ten) Lechas, situated at Kokrajhar Town, under P.O.- Kokrajhar & P.S.- Kokrajhar, Revenue Circle & Dist.- Kokrajhar BTR, Assam, which is covered by Dag No. 5709 of Patta No. 4260, instead of my actual name Mausumi i.e. Mausumi Narzary. That, Mausumi Narzary, D/O.- Sri Ranjit Kumar Narzary and Mausuni Narzary, D/O.- Sri Ranjit Kumar Narzary is the same and on identical person, who is none but myself. **Mausumi Narzary.**

गाहाड मन्थि नरेन्द्र मदिआ ब्रिक्स सिखर सन्मेलननिफ्राय हादतआव फैफिनबाय

गोदान दिल्ली, 24 अक्टुबर : गाहाड मन्थि नरेन्द्र मदिआ रसियाआव सान्नेनि हाबाफारिजो दावबायहेनायनि उनाव दिल्लीयाव फैफिनबाय। बिथाडा रसियानि कजानआव खुनाय 16 थि ब्रिक्स सिखर सन्मेलनआव बाहागो लाहैदोमोन। सन्मेलननि गेजेरजो गाहाड मन्थि मदिआ चीननि हादतगिरि शि जिनिफं, रसियानि हादतगिरि ब्लाडिमिर पुतिन आरो इउइनि हादतगिरि शेक महम्मद बिन जायड अल नाहयानजो लोगोसे गुबुन माखासे मुलुगनि दैदेनगिरिफोरजोबो लोगो ह्यो। गाहाड मन्थि मदिआ रसियाजो खुंफुं जानाय ब्रिक्स सिखर सन्मेलननि मोन्ने जथुम्मायाव बिबुंथि लाखिदो। बिथाडा



एक्सआव गावनि रसियाआव दावबायहेनाया मख 'जाथाव आरो जाफुंसार जादो होन्ना बुंदो। गाहाड मन्थिया एक्सआव भिडिअ शोयार खालामनाये बुंवावदोदि, बे

समाव बिथाडा गुबुन गुबुन आयदाखो लानानै सावरयनो आरो मुलुगनि दैदेनगिरिफोरजो मोगा-मोगि लोगो ह्यनायनि खाबु मोन्दो। मख 'जाथावदि, रसियानि हादतगिरि ब्लाडिमिर पुतिनआ बुधवारखालि भारतनि रांखान्थियारि जोगानायखो बाख्यानानै बुंदोदि, बे हादतआ ब्रिक्स हान्जानि माखासे हादतफोरनि थाखाय मोनसे बिदिन्थि। कजान सहरव खुनाय सहराव खुनाय सिखर सन्मेलनआव बिबुंथि लाखिनाय समाव हादतगिरि पुतिनआ गाहाड मन्थि मदिनो सन्मेलनआव बाहागो लानायनि थाखाय साबायखरबो बाउदो। बेनि अनगायैबो बिथाडा सिगां फारसे बुडोदि, जो बयबो गोजो रांखान्थि बांनय हारखो रोखा खालामनायनि गोनांथिनि सायाव सावरयानांगो। गाहाड मन्थि

मदिआ बेखो जाफुंसार होनायाव जाफुंनो हादो। भारतआ 7.5 जौखोन्दोनि रांखान्थियारि जोगानाय एबा बांनयनि थाखाय हामब्लाइथि होयो। बेनि जो बयनिबो थाखाय मोनसे थुलुं गाखां थाव बिदिन्थि। भारतनिफ्राय दैखानाय थांखिफोरनि

NO. SLPRB/Rec/HAV/DGCD & CGHG/638/2023/79
NOTICE
Reference, Recruitment for 5 posts of **Havildar** under DGCD & CGHG, Assam in pursuance of advertisement issued vide No. SLPRB/REC/HAV/DGCD & CGHG/638/2023/63 dated: 06-10-2023.
The Physical Standard Test (PST) & Physical Efficiency Test (PET) for the above mentioned post will be held w.e.f. **04-11-2024**. Candidates will have to appear for their PST & PET at the venue mentioned in their admit cards.
Candidates will be able to download their Admit Cards for the PST & PET with effect from **25-10-2024** from the SLPRB website www.slprbassam.in
Candidates facing difficulty in downloading the Admit Card may contact the Help Line No.8826762317 or send an Email at slprbadmitcard@gmail.com
Sd/-
Director General of Police,
Assam & Chairman
State Level Police Recruitment Board,
Assam Ubari, Guwahati
Janasanyog/D/7810/24/25-Oct-24

No. DPRD/BTC/(15th FC)/UT(V/UdI-14/2024/8 Dated Kokrajhar, the 5th Oct., 2024
PRESS NOTICE (e-Procurement)
The Director, P&RD, BTC, Kokrajhar invites bids for implementation of work "Const, of road with E/F and S/G from Changbandha to Fansri Centre alongwith 1 Slab culvert" under Mazbat Dev. Block, Mazbat for an amount not exceeding of Rs.45,00,000.00 (Rupees forty five lakhs) only under 15th Finance Commission to BTC for the year 2022-23 (Grant No.66) under Untied Grant during 2024-25 from the registered contractors of Class-I & Class-II (A, B & C) category of Assam PWD (Roads) / (Building) , BTC.
Details may be seen at website <http://assamtenders.gov.in> and also at the Office of the undersigned during office hours.
Sd/- Director,
Panchayat & Rural Development,
BTC, Kokrajhar
[IPR\(BTC\)/C/2024-25/775](mailto:IPR(BTC)/C/2024-25/775)

No. ACE-38/KOK(R)/IFB/P-11/2023-24/28 Dated Kokrajhar, the 23rd Oct., 2024.
Tender No. 26 of 2024-25
NOTICE INVITING TENDER
The Addl. Chief Engineer-cum-Director, PWD, BTC, Kokrajhar on behalf of the Governor of Assam invites bids from approved and eligible contractors registered under APWD (Roads/Building) or BTC for 03 (Three) Nos. in Kokrajhar District for a total amount of Rs.1,44,05,651.00 (Rupees one crore forty-four lakh five thousand six hundred fifty-one) only (approx.).
Details may be seen at the website www.assamtenders.gov.in and also in the office of the undersigned during office hours.
Sd/-
Addl. Chief Engineer-cum Director,
PWD, BTC, Kokrajhar.
[IPR\(BTC\)/C/2024-25/784](mailto:IPR(BTC)/C/2024-25/784)

No. DA/BTC/K/Dev-82/KY-(FNS)-Coarse Cereals/2024-25/791 Date 23/10/2024
QUOTATION
The Director of Agriculture, BTC, Kokrajhar invites Sealed quotation affixing non-refundable Court Fee Stamp of **Rs. 8.25** (Rupees Eight & Twenty-five paise) only from the registered firm in BTC for supply of Maize Seeds against Demonstration on Improved Package of Maize under Krishannati Yojana (FNS)- Coarse Cereals for the year 2024-25 as per term & conditions detailed below and will be received up to 02-11-2024 at 3:30 PM and the same will be opened on the same date & time. The quotationers or their representative may be present in the office of the undersigned at the time of opening.
Sl. No. Item Rate Variety/Type Tender value (Rs. In Lakhs) Remarks
1 Maize Per Kg (Variety: HQPM-I) Certified Seed 9.99092 Lakhs
2 Agril. Inputs
i) Micronutrient Per Kg Zinc Sulphate 0.33% With standard specification 1.219 Lakhs
ii) Bio-Fertiliser
a. PSB Per Kg With standard specification 0.7314 Lakhs
b. Azotobacter Per Kg
iii) Plant protection Chemicals & Bio-Pesticides
a. Azadiractin 0.15% Per Ltr. With standard specification 1.05321 Lakhs
b. Imidaclopride Per Ltr.
Details items may be seen in the office of the undersigned during the office hours from 26-10-2024 to 02-11-2024.
Sd/- Director of Agriculture,
BTC, Kokrajhar
[IPR\(BTC\)/C/2024-25/782](mailto:IPR(BTC)/C/2024-25/782)

No. DA/BTC/K/Dev-82/KY-(FNS)-Nutri Cereals/2024-25/790 Date 23/10/2024
QUOTATION
The Director of Agriculture, BTC, Kokrajhar invites Sealed quotation affixing non-refundable Court Fee Stamp of **Rs. 8.25** (Rupees Eight & Twenty-five paise) only from the registered firm in BTC for supply of Millets against Cluster Demonstration on All Nutri Cereals crops and Agril. Inputs under Krishannati Yojana (FNS)-Nutri Cereals for the year 2024-25 as per term & conditions detailed below and will be received up to 02-11-2024 at 3:30 PM and the same will be opened on the same date & time. The quotationers or their representative may be present in the office of the undersigned at the time of opening.
Sl. No. Item Rate Variety/Type Tender value (Rs. In Lakhs) Remarks
1 Millet Per Kg (Variety: Foxtail) Certified Seeds 8.2892 Lakhs
2 Agril. Inputs
i) Micronutrient Per Kg Zinc Sulphate 0.33% With Standard Specification 1.58226 Lakhs
ii) Bio-Fertiliser
a. PSB Per Kg With Standard Specification 0.73140 Lakhs
b. Azotobacter Per Kg
iii) Plant protection Chemicals & Bio-Pesticides
c. Azadiractin 0.15% Per Ltr. With Standard Specification 1.219 Lakhs
d. Imidaclopride Per Ltr.
Details items may be seen in the office of the undersigned during the office hours from 26-10-2024 to 02-11-2024.
Sd/-
Director of Agriculture,
BTC, Kokrajhar
[IPR\(BTC\)/C/2024-25/781](mailto:IPR(BTC)/C/2024-25/781)

पिएम आवास यजना (सहरारि) नि गिबि खोलोबया डिसेम्बरनिफ्राय जागायगोन

थाखाय गाहाड मन्थि मदिनिसिम साबायखर होन्नाबो पुतिनआ बुडो। मिबथिहोनाय जायोदि, भारतनि रांखान्थि बेब 'स्थाया 7 जौखोन्दो हारयै बानायनि आसा दड फरसेथि 2025 आव बेनि हारआ 6.5 जौखोन्दो जाहैनो हागो। चीननि हादतगिरि शि जिनिफंआ शिखर सन्मेलनआव बुंदोदि, थाबैनो दावहाखो फोजोबनाय आरो गाजायाव दावहाखो फोजोबना ओन्सोलारि गोजो लोबोनाया गोनांथार। गाजायाव सुबुंथिया लान्थियै जैना गोनां जाबोगासिनो दं। लेबाननआव दावहायफिन गोखो जाफिदो आरो गुबुन गुबुन हान्जायाव दावहाया बाबोदो। जो बयबो थाबैनो दावहा दोन्थनाय आरो बुथारलायनायखो होबथानायनि फरसे गोखो नोजेर होनांगो।

गोदान दिल्ली, 24 अक्टुबर : हादतआव सहरारि ओन्सोलनि निखाडरिफोरबो पाक्कानि न' मोन्नो हासिगोन। पिएम आवास यजना (सहरारि) नि गेजेरजो रांखान्थि बिथिडव लोरबां, गाहाय आरो गेजेर थाखोनि आय गोनां सुबुंफोर बेनि मुलाम्फाखो मोनगोन। गाहाय आरो गेजेर थाखोनि आय गोनां नख 'रनि सुबुंआ गावनि वाड कमिसनार, महकुमानि बिबानगिरि आरो निगम मावख 'आव थानानै फैगो 31 अक्टुबरनि गेजेरव बेनि थाखाय आर 'ज गाबनो हागोन। यजनानि मुलाम्फाखो होनो थाखाय माखासे साभैबो खालामनाय जादो। लोब्बा गोनां वाडनि महकुमा बिबानगिरिया यजनाजो लोब्बा



थानाय गोदान आरो गोजाम आर 'ज गाबग्राफोरखो नायबिजिरगोन। बेनिफ्राय मुलाम्फागिरिफोरनि फारिलाइखो बिफाननो दै थाइहरनाय जागोन। माखासे फोरमान बिलाइफोर थि रोखोमनि जायाब्ला एबा गोनांथार फोरमान बिलाइनि आंखाल जायोब्ला मुलाम्फागिरिनि आर 'जलाइखो गनायथिनाय

जानाय नडा। मख 'जाथावदि, पिएम आवास यजनाखो 2015 आव जागायजेन्नाय जादोमोन। फैगो डिसेम्बर 2024 आव यजनानि गिबि खोलोबआ जोबथागोन। बेनि उनाव पिएम आवास यजया (सहर) 2.0 आ जागायगोन। बेनि सिगां गिबि खोलोबनि गासैबो थाबथानानै थानाय आयदाफोरखो नायसनाय जागोन।

मणिपुरनि 'राष्ट्र एकता यात्रा' आ गिदिर हाबाफारिजो खुंजालांबाय

गुवाहाटी, 24 अक्टुबर : भारतयारि सान्थिन स्पियार करआ अपारेशन सभ्दानानि गेजेरजो खुंफुंनय 'राष्ट्र एकता यात्रा' हाबाफारिया खुंफुं जाबाय। थानाय 14 अक्टुबरनिफ्राय 23 अक्टुबरसिम मणिपुरयाव बेखो खुंफुंनय जादोमोन। कहिमायाव थानाय डिफेन्स पिआरअ लेफ्टिनेन्ट कर्नेल अमित शुक्लाया बुंदोदि, बे हाबाफारिया बुधवारखालि मणिपुरनि सोनाब इम्फ्ल जिल्लानि कइरिगेइआव खुनाय मोनसे गिदिर हाबाफारिनि गेजेरजो थुंगोयो। बिथामोनाहा माहारियारि खोसेथिखो गोखोसिन खालामनाय आरो हारिमुयारि बुजिलायनायखो जोगाहोनायनि थांखिजो बे दावबायनाय हाबाफारिखो रेड सिलड डिभिजननि जेनेरेल अफिसार कामान्डी (जिअसि)आ 14 अक्टुबरखालि कइरिगेइनिफ्राय गोथां फिरफिला दिन्थिना जागायदोमोन। गासै 10 साननि दावबायनाय समाव बाहागो लागिफोरा सान्थियारि फसंथानफोर, जारिमिनारि मख 'जाथाव जायगाफोराव दावबायदो आरो कलकाता, दावां,



शिलआव दावबायहैनाय माखासे मख 'जाथाव सुबुं आरो सान्थिनि गागि बिबानगिरिफोरजो सावरयदो। बिथाडा बुंवावदोदि, शिलआव दावबायहेनाय समाव थान्देफोर मेघालयनि रइज्यो बैंगरि सि एइच बिजयशंकर आरो आसाम डिभिजननि जिअसिआ बाहागो

राइफल्सनि गाहाड बिथोनगिरि लेफ्टिनेन्ट जेनेरेल बिकाश लखेरजो लोगो ह्यनायनि खाबु मोन्दो। हाबाफारिनि जोबथानाय समाव कइरिगेइआव मोनसे बरायनाय फोबांआव रेड सिलड डिभिजननि जिअसिआ बाहागो

लागिरिफोरखो मान बाउयो। बे समाव बिथाडा बुडोदि, जर 'खायै बे दावबायनाया लाइमोन थान्देफोरखो भारतयारि सान्थिजो सरजाबनो आरो भारतनि गुबुन गुबुन हारिमुयारि बोथुमनायखो मोन्दाथिनायनि मोनसे आलादा आरो बेसेन

गोसा खाबु होदो। सावरायलायनाय आरो मोन्दाथिया मोनसे अरायथा आगान गालांगोन, जायजो सोमोन्दो लाखिनाय आरो गुबुन गुबुनथियाव भारतनि खोसेथिनि बागै बिसोरनि बुजिनायखो गोथोसिन खालामनायाव मदत मोनगोन। अपारेशन सभ्दानानि गेजेरजो भारतयारि सान्थिया हादतनाडे माहारियारि खोसेथि आरो जाथावनाफोरखो जौगाहोनो गावसोरनि नाजानायखो सोलिहोनांबाय थागोन होन्नाले लेफ्टिनेन्ट कर्नेल शुक्लाया बुडो।

एनभिडियाआ रिलाइन्सनि हेफाजाबै भारतआव एआइ इन्फ्रा बानायगोन

गोदान दिल्ली, 24 अक्टुबर :आमेरिकानि सफ्टवेयार बिरोंदामिननि गिदिर कम्पानी एनभिडिया आरो मुकेश आम्बानीनि रिलाइन्स इन्डस्ट्रीजआ भारतआव एआइ इन्फ्रा बानायनो थाखाय आखाय ह्यलायदो। मुम्बाइआव खुंजानाय एनभिआइडिआइए एआइ सावमिट-2024 आव मुकेश आम्बानीजो सावरायनाय समाव एनभिडियानि सिडअ जेन्सेन हुआंगआ बे बाहागोदारिखो फोसावदो। ह्यनानै लानाय जादोदि, एनभिडियाया गिबि खेबनि थाखाय भारतआव सावराय जथुमखो खुंगासिनो दं। जेन्सेन हुआंगआ बृहस्पतिबाराव बुंदोदि, मुलुगनि सानजुन्थि दारिमिना भारतखो 2024 माइथायआव सानजुन्थि गोहोआव 20 गुन बांहोगोन आरो थाबैनो गोहोम गोनां एआइ सलुसनफोरखो दैथायहरगोन। हुआंगआ भारतआव गावनि सोरबिथिं खांन्थिनि फेहेरनायनि थाखाय

इन्डियानि रदायनि सायाव गोसो होदो। बिथाडा बुंदोदि, भारतआ मुलुगनि सानजुन्थि दारिमिननि थाखाय जोबोद अनजाथाव, आइटी दारिमिननि मिर् आरो मुलुगनि मोनफ्रेम कम्पानीनि आइटीनि मिर्आव दं। हुआंगआ बुंदोदि, दोरोडरि महै सफ्टवेयार दैथायहरनायनि मिर्, भारतआ इयुआव एआइ दैथाय हरनायाव दैदेनगिरि जानो साखाफरा जाबाय। हुआंगआ गोखोडे बुंदोदि, हादरा दा सफ्टवेयार दिहुनायनि थाखाय मोनसे 'बैक अफिस' निफ्राय एआइ जौगाथाइ आरो राननायाव मोनसे 'पावारहाउस' आव थांगासिनो दं। गोलाव समनि गेजेरव आं आसा खालामोदि, जो गासैनावबो गावनिनो एआइ लोगो-पाइलट थागोन। साखि गोमानायनि जाहोनाव एआइनि जिगायाव, हुआंगआ गोसो होनानै बुंदोदि, एआइआ साखिखो आबुडे फोजोबनाय नडा नाथाय बेयो गुदिदै खामानि मावनायनि आदबखो सोलायगोन।

इन्डियानि रदायनि सायाव गोसो होदो। बिथाडा बुंदोदि, भारतआ मुलुगनि सानजुन्थि दारिमिननि थाखाय जोबोद अनजाथाव, आइटी दारिमिननि मिर् आरो मुलुगनि मोनफ्रेम कम्पानीनि आइटीनि मिर्आव दं। हुआंगआ बुंदोदि, दोरोडरि महै सफ्टवेयार दैथायहरनायनि मिर्, भारतआ इयुआव एआइ दैथाय हरनायाव दैदेनगिरि जानो साखाफरा जाबाय। हुआंगआ गोखोडे बुंदोदि, हादरा दा सफ्टवेयार दिहुनायनि थाखाय मोनसे 'बैक अफिस' निफ्राय एआइ जौगाथाइ आरो राननायाव मोनसे 'पावारहाउस' आव थांगासिनो दं। गोलाव समनि गेजेरव आं आसा खालामोदि, जो गासैनावबो गावनिनो एआइ लोगो-पाइलट थागोन। साखि गोमानायनि जाहोनाव एआइनि जिगायाव, हुआंगआ गोसो होनानै बुंदोदि, एआइआ साखिखो आबुडे फोजोबनाय नडा नाथाय बेयो गुदिदै खामानि मावनायनि आदबखो सोलायगोन।

27 अक्टुबर 2024 अक्टुआव खुंजानो गोनां एफिआइ आन्डादलि थाखाय आन्डाद जेन ड्रेन			
ट्रेन नं. 05139 हाडवगावनिफ्राय 26-10-2024 अक्टुआव		ट्रेन नं. 05140 गवाहाटीनिफ्राय 27-10-2024 अक्टुआव	
सौफेनाय	हारांनय	स्टेसन	सौफेनाय
14:55	14:00	हाडवगाव	20:00
14:58	15:03	सापतग्राम जंसन	18:22
15:56	16:01	जागिद	17:20
16:36	16:38	दिगा	16:27
18:15	---	गुवाहाटी	15:00
04:30	04:32	कविमगन्ज जंसन	23:40
04:49	04:55	भांगा	22:50
05:46	05:48	बदरपुर जंसन	22:25
06:40	---	सलबाग्रा	21:30
---	---	खिलसर	21:00
गुबुन स्टेपजफोर: निउ कविमगन्ज, सारगला, रुपासिबारि, पन्साग्रा, काताकाल जंसन आरो अरणावक कम्पजिसन: झुइभिं पावार कार-02, ट्रेलार कार-06=08 कच			
ट्रेन नं. 05119 मरियनि जंसननिफ्राय 26-10-2024 अक्टुआव			
सौफेनाय	हारांनय	स्टेसन	सौफेनाय
15:35	---	मरियनि जंसन	04:00
16:25	16:30	जह्दात दान	03:07
18:55	19:00	पुरकालि जंसन	00:53
19:52	19:57	सुरुपतार	23:40
20:58	21:03	डिगापुर	22:30
23:00	23:05	लामादि जंसन	20:38
00:36	00:41	हजाइ	18:51
02:07	02:12	सापतग्राम जंसन	17:45
03:31	03:33	तेलेलिया	16:17
05:00	---	नारंगि	15:30
गुबुन स्टेपजफोर: सिनामाग, भालुकामाग, मवाबान्द, बरखा बासुनाग, खडलिनि, बादुलिपार, खुमथाय, नुमागिगड, गलाचाद, जामुगुरि, किलागव, बरपथार, नावजान, संगजान, बकाजान, कटकनि, रडपाहाड, धनसिनि, दलदालि, डिपु, नाइलालुं, लंसलिनि, बारलसनि, पातरकला, लामसकां, हाबाइपुर, लंका, दलफुखुरि, जुगिजान, जमुनाग, कामपुर, लावपानि, तेकेगुरि, दसतुल, सनुवाबारि, आवजारी, जागिद, बायहु, कामरुप केथि, डिगा, पानबारी, ताकुरकुसि आरो पानिकाइति। कम्पजिसन: झुइभिं पावार कार-02, ट्रेलार कार-06=08 कच			
ट्रेन नं. 05119 मरियनि जंसननिफ्राय 26-10-2024 अक्टुआव			
सौफेनाय	हारांनय	स्टेसन	सौफेनाय
19:15	19:40	आलिपुद्वार जंसन	03:30
21:34	21:36	सापतग्राम	22:00
22:15	22:17	पकेराग्राम जंसन	21:50
22:35	22:40	कक्राइर	21:30
23:56	00:01	निउ बडडगुव	20:30
01:07	01:12	गवालपाग	19:05
02:35	02:37	बक	17:23
04:30	---	कामाव्या	15:30
गुबुन स्टेपजफोर: निउ कविमगन्ज, विधादाबि, आगमनि, गौरिपुर, गलन्ज, मतेझार, बासबारी, मंलाजय, तिपकाइ, सालाकानि, बासुनाग, दंतल, माजगाव आसाम, अथाइबपुरि आसाम, जंगिपा, पसल, कुन्नाइ, दुपुने, आमजग, रंजुलि, धुवदग, सिगा, बासुनिगव, चगाव, मिर्वां आरो आजाव। कम्पजिसन: एडि फास्ट क्लास-01, एडि 3 टावर-01, एडि 3 टावर-03, रिपार क्लास-08, एलडिब्लिअरल आरआएस-01, एलडिब्लिअरल-2, एलएएलआरडि-01=17 कच			
ट्रेन नं. 05679 जागिनिफ्राय 27-10-2024 अक्टुआव			
सौफेनाय	हारांनय	स्टेसन	सौफेनाय
---	04:00	जागि	19:00
05:03	05:05	हाडवगाव	17:40
07:10	---	खिलसर	15:30
गुबुन स्टेपजफोर: मॉण्टु वासन, कालिसिगे, भादमन्तु, लाल बाबु, बमबोर, आरणापुर, काताकाल जंसन, पतरकला, अरणावक। कम्पजिसन: एडि 2 टावर-02, एडि 3 टावर-07, रिपार क्लास-09, सेकेन्ड क्लास 2 कच-02, रिपारआर-01, रिपारआरडि-01=22 कच			
ट्रेन नं. 05680 खिलसरनिफ्राय 27-10-2024 अक्टुआव			
सौफेनाय	हारांनय	स्टेसन	सौफेनाय
---	04:00	जागि	19:00
05:03	05:05	हाडवगाव	17:40
07:10	---	खिलसर	15:30

भारतनि 1 रंआ मुलुगनि बबे हादतआव 500 रंनि समान जाहैयो ?

मुलुगनि गासैंबो हादतहानो गावनि आलादा रंखांथि बाहायो आरो बेनि मुंखोबो आलादायै मुंख'यो। दिने जों जाय हादतनि बागै मिबथिहोगोन बेयो मुलुगनाडेनो खौराडव साग्लोबसारनाने दं। बेयो दरसे जोबोद गोजाम हादत। मुलुगाव दरफ्रोमबो हादतहा गावनि राव, बिगियान, जारिमिननफ्रय लानाने समाजयारि खांथि, राजखांथि, रंखांथि सोलोखांथिजों लोब्बा थानाय गोबां बाध्राफोर सोराडव फैयो। जायखौ मिबथिनाने जों सोमोनाडे। भारतनि 1 रंनि बदलै मुलुगनि दरसे हादतनिफ्रय 500 रं मोनो हानाय जायो। बे हादतआ मा? मख'जाथावदि, भारतआ बे हादतजों गोदो-गोदायनिफ्रयनो मोजां सोमोन्दो लाखिबोदों। नाथाय आथिखालाव सोमोन्दोआ सिगांनि बायदि गैलिया। जाय हादतनि बागै जों बाध्रा बुंवाय थादों बे हादतआनो जादों इरान। बेनि गोखों रंखांथि राहा आरो मुलुगनि गोहो गोर हादतफोरजों सोमोन्दो दडब्लाबो बेनि रं खांथिनि बेसेना जोबोद खम। थामहिनबा बेनि रं बाहायनार्यनि बेसेना गुबुन हादतनि रुजुनायाव जोबोद खम। इराननि रं खांथिखौ रियाल-इ-इरान मुडै मिबथिनाय जायो। इराजिआव इराननि रंखौ रियाल होन्नानैल'



बुडो। मुलुगनि थाव दिहुनग्रा हादतफोरनि गेजेराव दरसेब्लाबो इरानआ आमैरिकाजों होबथाजानायनि जाहोनाव सानफा-इफा बेनि रंखांथि थासारिया जोबोद गात्रि जाबोदों। बेनि जाहोनावनो बे हादतआव भारतयारि 1 रंनि बेसेना बेयाव 500 रंजों समान जादों। गोजामसिन हादतफोरनि गेजेराव थाफानाय इरान हादतआव रियालनि बेसेनाबो जोबोद गोबांमोन। अदेबानि माखासे बोसोरनि गेजेराव इन्टरनेशनल बाजारव बेनि बेसेना दावखलायबोदों। मानोना माखासे बोसोरनिफ्रयनो आमैरिकाया बे हादतनि सायाव गोबां रोखोमनि रंखांथियारि होबथानाय जावसिना होदों। बेनि जाहोनावनो बुहुमनि गुबुन माखासे हादतफोर आमैरिकाखौ

गिनाने इराननिफ्रय गोथां थाव बायनाने लाडखै। बेबायदिदें इन्टरनेशनल बाजारव इराननि रंखांथि राहाया दावखलायलादों। बे हादतनि गंसे लाकजारी 5 स्टार हटेलआव थाहैब्लाबो खरसाया सानसेयाव 7 रोजा रंल' जायो। फारसेथिं बबेबा मिडिल रेन्ज हटेलआव थाडोब्ला खरसाया सानसेयाव 2000-4000 रंनि गेजेराव जागोन। बेबायदिदें 3 स्टार हटेलआव थायोब्ला खरसाया बेनिफ्रयनो खमसिन जागोन। इरानआ भारतजों मोजां सोमोन्दो दड। भारतीय 1 रंआ इराननि 507.22 रियालजों समान जायो। जुदि 10 रोजा भारतीय रं लानाने इरानआव थाडोब्ला आरामैनो बै हादतआव बेरायदिना आरो लाकजारी हटेलफोरव थानाने

फैनो हायो। मख'जाथावदि, रियालआ मुलुगनि गोजामसिन खावनि एबा रंखांथिनि गेजेराव मोनसे। बे सिक्काखौ गिबि खेव 1798 आव दिहुन्याय जादोंमोन। उनाव 1825 आव रियालखौ बन्द' खालामदोंमोन। नाथाय उनाव बेखौ बाहायफिनो आरो दासिमबो बाहायगासिनो दड। 2012 नि उनाव इन्टरनेशनल बाजारव इराननि रियालनि बेसेना लान्थियै दावखलायबोयो। नाथाय इराननि मुवानि बेसेना दासिमनि बयनिखुइबो जौसिन बेसेन बांनयजों लोगोसे बांबोदों। इराननि बायदिब्ला सिप्रा लियनआवबो भारतीय 1 रंआ बैयावनि 238.32 रंजों समान। बिब्दिनो इन्डोनेसियाआव भारतनि 1 रंआ बैयावनि 190 रंजों समान।

रंजालि गथ'फोरनि सौरा

सिमांखौ लानानैसो

मिजिं जाफुंनयनि बुब्बियाव हान्थिनाय लामानि, जिउ गोजोन दावबायनयनि सिमाडबो सुबुंनि आंगोथि.. जेराव... सिमां गैयाबोला थांखियाव सहैनयनि लामाखौबो मोना..

सिमांखौ लानानैसो जौनि जिउनि दावबायनय सिमांखौ लानानैसो थांखि जाफुंनयनि बुब्बि ! बेखायनो, सिमांखौ जों फोजोबसां नाड ।

जिउ गोजोत्रि बुब्बियाव थांखिसिम हान्थिनायाव सिमाडबो जौनि थुलुंगानि फुंखा बेखायनो जों, सिमांखौ गोजेरै फिसि नांगौ

जों हान्थिनांगोन, गोबां मिजिंजों बायदि मैया जेना जेथोजों, गाबनाय-मिनिनाय सुखु-दुखुनि थपला लाना हान्थियो... जौनि जिउनि बिसमिब्या ! आरो बे हान्थिनाय मिजिंनिनो थांखिनि उन-उन मोनसे बाहागो जौनि नुनाय सिमांफोरा, बेखायनो, सिमांखौ लानानैसो जौनि जिउनि दावबायनय सिमांखौ लानानैसो जौनि जिउआ समायथि ।।

आलेरा बर' बर' बाजार सोलोलोसालिमा, चिरां

थैया बयनाबो गोजाखा

गावसिनाल' सायो गावनि थैयाल' बेसेन दड मालायखौ मिथिया बिसोर मा सानो बिसोरो।

जौनि थैया थै नड जौनि थैया गोजाब्लाबो दै जोंसो समान गावसिनियाल' गोजाखायनो ऐसे थै गयोब्लानो जुरूम लायो, अरआव धि लुना होदेरनायबादि । ब्लाव-ब्लाव जोंब्लावथारो माब्लाबानो मा मा खामगिलफलांगोन जेबो साननो रोड। दिने ऐसे गाबोन ऐसे गावनि थाल खालामना लाजोबसिमोन अब्ला जों बहा थागोन मा खालामगोन ? इयुना नों खानासोसै बिदिब्लालाइ ।।

खोमथा बर' गामि: हादानगुरि, उदालगुरि

बांसिन सावरायो

गामियारि मानसिफोरा संसारि मानसिफोरा रायखोमानाय बाध्राखौ बांसिन सावरायो

रैदोम बर' बाक्सा

बुहुम मिथिंगा

बुहुम मिथिंगानि बायदि मैया बिफां-लाइफांफोरादि बारजों बेसेबांवा मोजां मोजां रंजायो बेसे समायना बेसे रमायना बे बुहुम मिथिंगायालाय सारि रि बिफां-लाइफां बिजाव फरायखानायनि उनाव बिबीनि सल बाथा खोनासडो। हर खोमसि जायो आरो गथ'फ्राबो उन्दुयो दावमा-दावसाफ्राबो सिरियै उन्दुयो। आरो बिनि उनाव जारौ मारौ फुंबिलि जाबोयो दावमा-दावसाफ्राबो रंजा-बाजा गोदै गाराजों मेथाय खनो आंनि गोसोआबो रंजानो गोसो जायो आय हाबाव बेसे समायना जौनि हायेनालाइ ।

राना प्रताप सिंह ब्रह्म गामि: बंसिगाव(दतमा) जिल्ला: कक्राझार ।

आं नोबि थाखायल

आंबोथ नौनि थाखायल रावनिबो नड बे जोनोमआव, मोनथियाखैमोन नामा नों आंखौ मोजां मोना सान्दोंमोन रजे सिमाडव सानदों नोंजों गेलेगोन नाथाय मोगथाडव सान्दों नों माब्ला आंनि जागोन। साने साने सानसनो हाला आवसाव जाबाय आं नौनि समायना महरखौ बिखा सिंआव थानाय मोनबा बिदि जाया जागौमोन। नाथाय सना आं बे जोनोमआव नोंखौल मोजां मोनो नोंखौल गोसो थोयो, उसाव-बादाव आंनि गोबोंआ नोंखौल सानो मानोथाय।

मुसि रन्जय नार्जरी गामि- करफायारा, बिसपुरी जिल्ला: कक्राझार ।

हायेन

जौनि हायेन बेसेबां समायना आय हाबाव बेसेबां गोजोन, बेलारोम समाव सोनाबफा सान हाबदों दावमा दावसाफ्राबो रंजा-बाजा बिरलादों गथ'फ्राबो बेलारोम समाव बिजाव फरायो बिजाव फरायखानायनि उनाव बिबीनि सल बाथा खोनासडो। हर खोमसि जायो आरो गथ'फ्राबो उन्दुयो दावमा-दावसाफ्राबो सिरियै उन्दुयो। आरो बिनि उनाव जारौ मारौ फुंबिलि जाबोयो दावमा-दावसाफ्राबो रंजा-बाजा गोदै गाराजों मेथाय खनो आंनि गोसोआबो रंजानो गोसो जायो आय हाबाव बेसे समायना जौनि हायेनालाइ ।

मुसि दैथुन नार्जरी बासबारी गोजौ फरायसालि गामि- औवाबारी, बिसपुरी

दिमापुरनि मोदै

नोंसोरो मानो आंखौ नायसनदिया बर' फिसाफोर ? आं नोंसोरनि बर' राइज्यो दिमापुरसो। दिने आंनि बिखा गेजेराव नोंसोरनो बर' राइज्यो खुंदोंमोन। नाइ दाबो आंनि दुखु दाहानि दिमापुरनि जारिमिनखौ बर' फिसाफोर। अब्ला नोंसोर नुगोन बे दिमापुर राइज्योफ्रा सोरनि। गबिन्द चन्द्र, तुलाराम सांथि गहाय सोमदोन कसारी मोनहाथ' आंनि बिखायाव थानाने बर' राइज्योखौ खुंदों। दाबो सम दं बर' फिसाफोर आंखौ गुबुन हारिनिफ्रय उदांघि खालामनाय समा। नडब्ला जानोसै सिखोना जाहारनि बायखोन्दा नेरसोनफ्राबो आरो जिउ जारिमिना गुबुन हारिनि आंथि सिडव। नोंसोर आंखौ उदां खालामदो बर' फिसाफोर, आं नोंसोरनि उदां बर' राइज्यो दिमापुरसो।

मुसि रन्जय नार्जरी गामि- करफायारा, बिसपुरी

नेसनेल राइफल एस'सिएसनआ गिबियै शुटिं लीग सेम्पियनसिप खुंनो साखा-फारा जादों



गोदान दिल्ली, 24 अक्टूबर: नेसनेल राइफल एस'सिएसन अफ इन्डियाआ शुटिंनि फोथारआव गिबियै फ्रेन्चाइजी लीग खुंनुंनो थिरांथा लानायखौ रोखा खालामबाय। शुटिं लीग अफ इन्डिया मुख खुंजानो गोनं बे लीगआव हादरनि रंगथि गोनं गेलेगिरिफोरनि सेलेन्ज होन्लायनायखौ नुनो मोनगोन।

एस'सिएसननि आफादगिरि कालिकेश नारायन सिंहआ बेनि थाखाय इन्टरनेशनल शुटिं स्पर्टस फेडरेशननिफ्रय गनायथि मोनबाय। जायनि गनायथि बादिदें बे इभेन्टआ फेगौ 2025 नि मार्च दानआव खुंजागोन। खौरांगिरिनि बिबुंथिआव आफादगिरि नारायन सिंहआ पेरिस अलिम्पिक आव

दिन्थिफुंनयनि उनाव बेखौ खुंनुंनो आरोबाव थुलुंगानाय मोनसिन्नायखौ फोरमायो। लोगोसे सोलिफु समाव हादरनि गेजेराव बेबादि लीग खुंनुंनयखौ गोरोबनाय बादिदें खालामदों होन्ना फोरमायो। मानोना बेबादि लीगनि गेजेरजोंनो गेलेगिरिफोरा गावसोरनि रंगथिखौ दिन्थिफुंनो

खाबु मोन्नायजों लोगोसे गावयारि रंगथिखौ गोखोंसिन खालामनो हायो। बे समाव माखासे फ्रेन्चाइजी लीगफोरनि गेजेरजों नांगौबादि गेलेगिरिफोरनि जौगानाय फैयैखौ फोरमानाने बिथाड फेगौ बोसोरनिफ्रय खुंजानो गोनं बे इभेन्टनि गेजेरजों गोदान अन्सायगिरिफोर आरो गेलेगिरिफोर जोनोम मोनगोनखौ मिजिंथियो। सिगां पारसे बिथाड शुटिंनि बादायनायखौ गोथार अलिम्पिक फर्मआव समाने जायगा मोनाखै होन्नाने फोरमायो आरो बेफोरबादि लीगनि गेजेरजोंनो शुटिंखौ गुबुन गेलेमुफोरबादि मुंदांखा खालामनायजों आवगायहोनो हायो होन्ना फोरमायो। बेनि थाखाय बिथाड बे लीगनिफ्रय गेलेगिरिफोरनि दिन्थिफुंनो प्लेटफर्म मोन्नायखौ फोरमायदों।

सुल्तान जहर कापआव भारतआ अस्ट्रेलियाजों जेन्दों

गोदान दिल्ली, 24 अक्टूबर: अस्ट्रेलियानि हकी हान्जाआ सुल्तान जहर कापआव भारतनि हान्जाखौ गोखोडै दबथायनाने देरहादों। देरहानाय हान्जाआ भारतखौ 4-0 गल स्करिनि मार्कआव फेजेन्दों। बे समाव भारतनि फरवार्ड लाइनआ अस्ट्रेलियानि डिफेन्सखौ सिफायनो गोब्राब नाजादोंब्लाबो फेलें जादों। जेराव देरहानाय हान्जानि जानाने डेकिन स्टेन्जारआ फारियै 33, 39 आरो 53 मिनिटआव गल सोनाने हान्जाखौ रैखाथियाव लाबोदों। बिथानि हेट्रिक गलजों हान्जानि पेट्रिक एन्ड्रुजनि 29 मिनिटआव गल सोनाया हान्जानि देरहानायखौ रोखा खालामदों। गुबुन फारसे जेन्नायनि उनावबो भारतनि हान्जाआ 9 पइन्टजों पइन्टनि फारिआव सिगांसिन मासिआवबो थाफिन्दों। बेराफारसे अस्ट्रेलियाआ



निउजिलेन्डनि उनाव थामथि मासिआव जायगा मोन्दों।

गावसोरनि खेबथाम देरहानायजों राउन्ड रबिन

लीगआव भारतआ गुबुन हान्जाफोरखौ फारियै दबथायबोदों। नाथाय बे खेबआव गिबियै अस्ट्रेलियाजों जेन्नादों। अब्लाबो भारतीय हान्जाआ उननि राउन्डआव सौहैगोनआ रोखा जानाने दड। मानोना भारतआ सिगांसि खेबथाम मेचआव देरहानाने गावसोरनि मासिखौ गोखोडै लाखिनो हादों।

2026 नि कमनवेलथ गेम्सनिफ्रय हकी आरो क्रिकेटआ माखासे जाहोननि थाखाय बोखार जादों

गोदान दिल्ली, 24 अक्टूबर: कमनवेलथ गेम्सआव भारतनि जिंगाआ बांसिननो हमदों। मानोना बाज्जायगिरि ग्लास'आ 2026 नि कमनवेलथ गेम्सनिफ्रय क्रिकेट आरो हकीनि अनगायै गुबुन माखासे गेलेमुफोरखौ जानगारआव लाखिबाय। इन्टरनेशनल हकी

फे डारें सननि फाय फोसावलाइआव बेनि सायाव रोखा खालामदों। लोगोसे सिजिएफनिफ्रय लानाय बे थिरांथानि सायाव गावसोरनिफ्रयबो जिंगा सिनायखौ फोरमायदों। हकीखौ बे इभेन्टनिफ्रय जानगारआव लाखिनायनि

मोनसे जाहोनआ बेनि गोलाव सान बादायनयनि थाखायबो जानो हागौ। मानोना 2026 आव बे इभेन्टआ जागायनयनि 2 सप्ताह उनाव थामहिनबा 15-30 आगस्टआव बाबरे, बेल्लियाम आरो आमस्टेलबिन, नेडारलेन्डआव हकी वर्ल्ड काप खुंजागोन। सिगाडाव बे



गेलेमुआ अस्ट्रेलियानि राइज्यो भिक्टोरियाआव खुंजानो गोनंमोन। 2022 आव क्रिकेटखौ बे गेम्सआव सोफानाय जादोंमोन। जेराव भारतनि आइजो हान्जाआ सिलभार मेडल देरहादोंमोन। कमनवेलथ गेम्सनि 23 थि सिजनआ 2026 नि 23 जुलाईनिफ्रय जागायनाने

2 आगस्टआव थुंनोहैगोन। फेडरेशनआ रोखा खालामनाने होनाय बादिब्ला, क्रिकेटखौबो गोबाव समनि थाखाय जानगारआव लाखिनाय जादों जानो हागौ। मानोना फाइनाल राउन्डसिमनि थाखाय क्रिकेट आरो हकीआ फारियै बादायनांगौ जायो।

मुलुगनि धोनि हादतफोराबो भारतखौ नेवसिनो हाया: संखान्थि मन्थि सितारमन

वाशिंग्टन, 24 अक्टूबर: वाशिंग्टन डिस्ट्रिक्ट मन्थि मन्थि मन्थि निर्मला सितारमन आ वल्टेड बैंक आरो हारिमायारि बोसोरारि जथुमा 2024 आव सेन्टर फर ग्लबेल डेभलपमेन्टि बाञ्जायनायाव खुनाय ब्रेटन भुटस इन्सटिटुटसन्स एट 80: प्रायोरिटेड अफ द नेक्स्ट डिक्लेडि सायाव पेनेल सावराय मेलआव बागाहो लादो। बे समाव बिथाडा बुंदोदि, भारत आ मुलुगआव गावनि गोहोमखो फुवारनो सानो, मानोना मुलुगनि मोनफ्रोम सा 6 नि गेजेराव सासेया भारतीय आरो मुलुगआ भारतनि रांखान्थि बेबस्थाखौ नोजोर होआजासे थानो हाया। जायखि जाया हादत, आमेरिका एबा चीनआनो जायामानो भारतखौ नोजोर होआजासे थानो हाया। मोनसे सांथिनि फिन्नायाव मन्थि सितारमनआ बुडेदि, भारतनि गुबै नोजोरा गावनि खांथिखौ



नारसिन्ना होनाय नडा होना गाहाइ मन्थि मदिआ बुंदोमोन। बे नोजोरै जीनि हादतआ मुलुगनि बयनिखुइ देरसिन सुबुंखांथि, मुलुगनि बयनिखुइ बांसिन सुबुं अन्जिमा गोनां, नाथाय बेनि गोहोमखौ फुवारनांगो मानोना मुलुगनाडेनो भारतीय गोसारनानै दड। फारसेथि, हादतनि रांखान्थि

बेबस्थाया जाय बादियै जौगाबोदो बेखौ नोजोर होआजासे थानो हाया। आथिखालाव गोखौ सुबुं गोहोआ भारतनाय दड आरो मोनफ्रोमबो जायगायावनि गिदिर कम्पनीफोरखौ सालायदो। सिगां फारसे मन्थि आ बुं बावदोदि, भारत आ सोलोखान्थि आरो गोजोनै सोलिनारयनि खांथिखौ

फालिबोदो। हादतआ जेब्लायबो थांखिबां फसंथानफोरखौ लोगोसे गसंफादो।

मिज 'रामनि आइजलआव हेरइन दोनयनि दायआव सासे आइजोर्जो लोगोसे सा 3 सुबुंखौ ग्रेप्टार खालामदो




गोदान दिल्ली, 24 अक्टूबर: आबकारि आरो नार्कटिक्स बिफानआ मोनसे फिनजाथायाव बुडेदि, मिज 'रामनि आबकारि आरो नार्कटिक्स बिफानआ मोनै आलादा-आलादा हाबाफारिनि गेजेरजो हेखन दोनयनि दायआव सासे आइजोर्जो लोगोसे खमैबो सा 3 सुबुंफोरखौ ग्रेप्टार खालामदो। फिनजाथायाव बुंनय जादोदि, यंगमिज 'एस 'सियेशन (वाइएमए) नि रंगवामुअल इकाइनि गावयारि सान्थिफोरनि

गेजेरजो मदत लानानै आबकारि आरो नार्कटिक्स बिफाननि बिबानगिरिफोरा मंगलबारखालि आइजलनि बायजो ओन्सोलआव मोनसे रंगवामुअलआव मोनसे हाबाफारिनि गेजेरजो 59 ग्राम हेरइन जब्द 'खालामदो। बेवहाय बुंनय जादोदि रंगवामुअलनि थागिबि सुबुं लालरिसांगजुआलि (41) आरो आइजलनि भैवाकावन ओन्सोलनि लालछनहिमा

(38) निफ्राय फेग्रा मुवा एबा बेसाद बोखानो हादो। फिनजाथायाव बुंनय जादोदि, बै सानावनो मोनसे गुबुन हाबाफारियाव आबकारि बिफान आरो राइज्योनि बयनिखुइ देरसिन नोगोरारि समाज आफद सेन्ट्रल यंग मिज 'एस 'सियेशननि फेग्रा मुवा लानाय हान्जाया सान्जा मिज 'रामनि चाम्पाइ जिल्लानि तलंग सम गामिनि थागिबि सुबुं भनलालफेला (29) निफ्राय 172 ग्राम हेरइन जब्द 'खालामदो। साथामबो दायनिगिरिफोरनि बेरेखायै नार्कटिक्स ड्रग्स एन्ड साइकट्रूपिक साब्सटेन्स (एनडिपिएश) एक्स, 1985 जो सोमोन्दो थानाय धारफोरनि गेजेरजो जाथाइखौ थिसन्डोमोन। बिथांमोनखौ बुधबारखालि आइजलआव मोनसे जर'खा बिजिरसालिनि गेजेराव दिन्थिनाय जादो।

रासियाआ इउक्रेननि दर 2 गामिफोरखौ दख 'ल खालामदो

मस्क, 24 अक्टूबर: रासिया आरो इउक्रेननि गेजेराव सोलिबाय थानाय दावहायाव रासियाय रोनियाफोरा गोखैयै गाग्लोबगासिनो दं। इउक्रेनआ सोनाबारि हादरफोरनिफ्राय हाथियार मोनगासिनो दंब्लाबो नाथाय रासियाआ बेनि बागै मिबथियाजासे गावनि रोनिया मिसनखौ मावफुंबाय थादो। बावैसो सानफोराव रासियाआ इउक्रेनआव गाग्लोबनायनि गोखैथिखौ बांहोदो। बेनि गोहोमखौ सान्जा डनेटस्क ओन्सोल इउक्रेनआव नुनो मोनाय जादो। सान्जा डनेटस्क ओन्सोलाव, रासियाआ इउक्रेननि गनै गामिफोरखौ दख 'ल खालामनानै मख 'जाथाव मुलाफ्फा जादो। रासियानि रैखाथि मन्थि बिफाना बुंदोदि, रासियानि रोनियाफोरा इउक्रेननि सान्जा डनेटस्क ओन्सोलाव सेरेब्रियानका आरो माइक 'लिबका गामिफोरखौ दख 'ल खालामदो। बेखौ रासियानि मोनसे गेदेर जाफुंसारनाय महरै नायनाय जादो। रासियानि रोनियाफोरा बे ओन्सोलाव अरायसम दावगालांगसिनो दं। मख 'जाथावदि, रासिया-इउक्रेन दावहायाव मोनसे गुबुन महर फैदो। आमेरिकानि रैखाथि नेहाथारि



लयड आस्टिनआ दाबि खालामदोदि, बिथानाव सा-करियानिफ्राय रासियाआव रोनिया दैथायहरनायनि आबुं फोरमान दं। सा-करियाआ

ओन्सोलफोराव दैथायहरनायनि सिगां इन आरो गुबुन आगजुफोरखौ सालायनायाव फोररोथाय होनाय जादो। आमेरिकया फिन खेबसेबाव इउक्रेनखौ मदत खालामनो सिगांबोदो। हादरगिरि ज 'बाइडेनआ क्विभनि थाखाय 425 मिलियन डलारनि हाथियार पेकेज फोसावदो। बे पेकेजआव अखां रैखाथि सान्थि, हाथियार गोनां गरिफोर आरो गुबुन हाथियारफोर दं। बाइडेनआ नभम्बरव इउक्रेननि हेफाजाबगरिफोरनि मोनसे भासुयेल जथुमबो खुंगो।

फिलिपाइन्सआव टाइफुन ट्रामीजो सा 26 सुबुंनि जिउ ख'हा

गोदान दिल्ली, 24 अक्टूबर: मनिलाट्रिपिकेल बारहुंखा ट्रामीआ फिलिपाइन्सआव गोबां ख'हा लाबोदो। बे बारहुंखाया सा 26 सुबुंफोरनि जिउ खहा खालामबाय आरो सा 150,000 निबो बांसिन सुबुंफोरा गावसोरनि न' गारनानै खारलानो गोनां जादो। टाइफुन ट्रामीआ रोजा अखा हाहोदो, जायनि जाहोनाव गिखैथाव दैबाना जादो आरो हा गिसिखादो। बेनि थाखाय

सरकारा फरायसालि आरो फरायसालिमाफोरखौ बन्द खालामनो फोसावदो। बोथोरारि बारहुंखा ट्रामीआ सा-सान्जा राइज्योआव सौप्रावनायनि उनाव लाख-लाख सुबुंफोरखौ रैखा खालामनो थाखाय नैथि सानावबो बोखानाय हाबाफारिया सोलिदो। न'फोरनि उखुमफोराव थावथानाय सुबुंफोरखौ मटरबटनि मददजो रैखा खालामनाय जादो। हाजोरारि ओन्सोल इफुगावनि एगुइनाल्ड' सहराव घन्टासेआव 95

किल 'मितार गोखैथिजो बार बारगासिनो दं। दै बाना आरो हा गिसिखानायनि जाहोनाव बिकम ओन्सोला गाज्जियैनो गोहोम गोखैदो। बांसिन सुबुंफोरा दैबानायाव गब'नायनि



हा गिसिखानायनि जाहोनाव बिकम ओन्सोला गाज्जियैनो गोहोम गोखैदो। बांसिन सुबुंफोरा दैबानायाव गब'नायनि

स्मार्ट प्रिपेट मिटरजो लोगोसे चेक मिटर लागायनाय जायारखै

लक्ष्मी, 24 अक्टूबर: उत्तर प्रदेशआव 3.45 कौटि रनि मोब्लिब बाहायगिरिफोरनि न'आव लागायनाय स्मार्ट प्रिपेट मिटरखौ चेक खालामनायनि राहा लानाया आबुडे फेलें जादो। बे स्मार्ट प्रिपेट मिटरफोरनि पेरालेला खमैबो वा जौखोन्दो गोजाम मिटरखौ चेक मिटर लागायनाय नेम थासेयावबो बेबायदि खालामनाय जायारखै। उत्तर प्रदेश राइज्योनि मोब्लिब बाहायगिरि परिषदा बेनि सोमोन्दै पावार कपरेशननि एमडिनियाव अजद दिखदो।



जायनि उनाव इन्सट्रक्शन होनाय जायोदि, नेम बायदियै चेक मिटर लागाय नागो। बेबायदि खालामैफोरनि बेरेखायै गोखोडे नायबिजिरनाय जागोना।

कन्जुमार काउन्सिलनि आफादगिरि अभधेरा कुमार बर्मानि बायदिल्ला, मिरु सरकारनि एमबिसियास स्किम रिभेम्प डिस्ट्रिभुशन सेक्टर स्किमआव गोबां बाडाइ

मोनगासिनो दड। स्किमनि गेजेरजो मध्य प्रदेश इलेक्ट्रीसिटि डिस्ट्रिभुशन कम्पनी लिमिटेड आरो वेस्टर्न रिजन इलेक्ट्रीसिटि डिस्ट्रिभुशनआव एसिखौ गाज्जि रोखोमनि मोन्नाय जादो। मोब्लिबनि माखासे गाज्जि बेसादफोरखौ लागायनाय जागासिनो दं। बर्मानि बुंनय बायदिल्ला बा हायगिरिफोरनि बिग्रायनायाव स्किमनि गेजेरजो सोलिबाय थानाय खामानिखौ सिबिआइआ नायबिजिरनांगो।

बांलादेशआव धर्ना होग्राफोरा हादतगिरि भवनखौ बेंखन्दो



ढाका, 24 अक्टूबर: बांलादेशआव शेख हासिना सरकारखौ थानाय 5 आगस्टआव सिमफायनायनि उनाव फरायसाफोरा आथिखालाव हादतगिरि महम्मद सहाबुद्दिनखौ बिबान नागरनांगो होना गोखोडे दाबि दैखादो। फरायसाफोरा गोखौ धर्ना खालामनायनि गेजेरजो बंग भवनखौ बेंखनहैदो आरो हादतगिरिया 7 साननि गेजेराव बिबान नागरनांगो होना आल्टिमेटम होदो। मख 'जाथावदि, थानाय सप्ताहयाव मोनसे इन्टरभिडनि समाव हादतगिरिया बुंदोमोनदि, थानाय आगस्ट दानाव हादत नागरनायनि सिगां बारग' हादतगिरि हासिनाया गावनि बिबानखौ नागरनायनि जेबो लेखा बिलाइनि फोरमान गैया। बेनि उनावनो फरायसाफोरा बिग्रायखाडे आरो हादतगिरिखौ बिबाननिफ्राय बोखलायनांगो होना दाबि खालामो। बेनि गेजेरजो बांलादेशनि अन्तरिम सरकारा बधबारखालि हादतगिरिखौ बिबाननिफ्राय बोखलायनायनि सायाव जेबो थांखि लायाखै होना फोरमायो। बे समावनो अन्तरिम सरकारा शेक हासिनानि दैदेनाय आवामी

आयेन बेरेखा हाबाफारिफोराव दंफायोमोन। गोखौ धर्ना होनाय समनि दिथि फुटेसआव गुबुन उतखारि होबथा आयेननि गेजेरजो होबथानाय जाबसिन्ना होयो। बिथोनामा फोसावनायाव बुंदोदि, बे फरायसा आफादआ आवामी लिगनि सरकार थानाय समाव थानाय 15 बोसोरव गोबां

बेरिकड सिमफायनो नाजानायखौ होबथानो थाखाय गुलि गावयो अब्ला सानै जौखोम जायो। सुबुंफोरनि होंगो-दोंगो जानायखौ गैया खालामनो थाखाय ग्रेनेट गावना होनायाव गुबुन सासेबाव सुबुंआ जौखोम जायो। फरायसाफोरनि हेंथा धर्ना होनायखौ नोजोर लाखिना

राष्ट्रपति भवननि सोरगिदि आरो खाथि-खालायाव रैखाथिखौ बांहोनाय जादो। बे समाव फरायसाफोरा दाबि दैखादोदि, 1972 आव लिटरनाय संबिजिरखौ फोजोबनांगो आरो 2024 नि गोदान संबिजिरखौ थिसन्नांगो। फरायसाफोरा आवामी लिगनि फरायसा आफाद बांलादेश सात्र लिगनि सायाव गोखौ होबथानांगोनियो दाबि दैखादो। बिसोरनि बुंनय बायदिल्ला शेख हासिनानि दैदेनायाव 2014, 2018 आरो 2024 आव जानाय बिसायख 'थिखौ आइन बेरेखा होन्ना फोसावनांगो। लोगोसेनो बेफोर बिसायख 'थियाव देखहासानाय संसदनि सोद्रोमाफोरखौ गुण गैया होना फोसावनांगो।

उरिष्याआव डाना बारहुंखाखौ लानानै रेड एलार्ट फोसावदो

गोदान दिल्ली, 24 अक्टूबर: उरिष्याआव डाना बारहुंखाखौ लानानै 25 अक्टूबरसिम राइज्योनाडे सांग्रांथि फोसावदो। उरिष्याजो लोगोसे सोनाब बंग'आवबो बे बारहुंखानिफ्राय रैखाथि होनायनि गोखौ थियारि खालामनाय जादो। उरिष्याआव एनडिआरएफनि 288 हान्जाफोरखौ थिसन्नाय जादो। बारहुंखानि गिखैथाव महरै फैगोनखौ हमदोना 10 14 जिल्लाफोरनिफ्राय 10 लाख सुबुंफोरखौ रैखाथि बादाफोराव लानाय जादो। डाना बारहुंखानि गोहोमा उरिष्यानिफ्राय लानानै सोनाब बंग' बिहार आरो झारखान्डसिम सौहेनो हागो। पुरियाव बे बारहुंखाया नेशनेल पार्क आरो धामरा जाहाज गाथोननि गेजेराव बोरीमाजो सौगावनो हागो। बोथोर बिफाननि बायदिल्ला सोनाब बंग' बोरीमायाव सोमजिनाय गोखौ नारसिन्थाया ओन्सोलारि



बारहुंखा महराव घन्टाफोराव 15 किल 'मितार गोखैथिजो उरिष्या फारसे आवगायदो। बिगियानगिरिफोरनि बायदिल्ला, बे समाव बारनि गोखैथिया घन्टायाव 100 निफ्राय 120 किल 'मितार जानो हागो। सोनाब बंग'-उरिष्याजो लोगोसे माखासे राइज्योफोराव गोबां अखा हागोन होनाबो बोथोर बिफाना फोसावदो। उरिष्यानि दर 7 जिल्लाफोराव बारहुंखा आरो रोजा अखा

हागोनखौ लानानै रेड एलार्ट फोसावदो। फारसेथि खोला-सान्जा रेलवेआ सान्थामनि थाखाय गं 300 ट्रेनफोरखौ केन्सेल खालामदो। उरिष्यानि गिबि मन्थिया केबिनेट जथुम्मा लिना बारहुंखानिफ्राय रैखाथि मोन्नायनि थाखाय रैखाथि हाबाफारि आरो नोजोर लाखिनायनि बिबानखौ सा 9 मन्थि आरो सा 9 गागि आइएएस बिबानगिरिफोरनि गथायो। राइज्यो सरकारा

रैखाथि हान्जा थिसन्नानै फ रायसालि-फरायसालिमाफोरखौ बन्द' फोसावनानै गासैबो सरकारि मावफारियाफोरनोबो शुट्टि होदो। बेरफारसेथि टुरिस्ट एबा दावबायारिफोरनोबो सांग्रांथि होनाय जादो, जाहाथे बिसोरो लैथोमा सेरथि दावबायहैया। गुबुन गुबुन लैथो बोरीयाव सांग्रांथिनि थाखाय धारा 144 फोसावनायबो जादो।

सरुपेटा खाजोना बेंखन मावखुलिखौ बन्द खालामनो फोसावनायनि हेँथायै लाइमोन फरायसा आफादनि नोगोरारि मेल

आफादजौं लोगोसे रइजो-रजाफोर गोखौं हेँथा होदौं । मख'नो गोनाँदि बे सोमावसारनायनि बाहागो महैर दिनेँ आसाम जातियताबादि लाइमोन फरायसा आफादनि सरुपेटा दखरा आफादनि बान्जायनायाव मन्च सरुपेटारि सावरय न'ब्लाडव मोनसे नोगोगारि मेल खुंनाय जायो । आसाम जातियताबादि लाइमोन फरायसा आफादनि मिरुनि बारग' लोगो नेहाथारि बिजन बायनआ मेलखौं दैदेन्नानै गावनि बिबुँथियाव सरुपेटा खाजोना बेंखन मावखुलिखौ बन्द खालामनानै सरभगजौं लोगोसे सरजाबनाय हाबाफारिखौ गोखौं रवजौं सोंखारियो । लोगोसे फैगौं समाव रइजो-रजा आरो गुबुन गुबु दोलो-आफादनि बोसोन लानाया गोनाँथर होन्ना लाइमोन फरायसा आफादनि गागि दैदेनगिरि बिजन बायनआ रइजो-रजाफोरनिमिसिमा खालायहररो । आसाम जातियताबादि लाइमोन फरायसा आफादनि मिरुनि मावकुं सोद्रोमा निपल डेकाआ तांखि बेखेवनाय मेलव भवानिपुर बिधान सभा बियाबनि बारग' एमएलए आरो एजिपिनि गागि दैदेनगिरि ७ मनरन्जन दासआबो बिबुँथि होनानै सरकारनि बे हरखाब थांखिआ भवानिपुर बिधान सभा बियाबनि रइजो-रजाफोरनि थाखाय जोबोर दुखुनांथाव होन्ना फोरसायनायने सरकारनि बे थांखिखौ माब्लाबाबो गनायनानै लानो हाया होन्नाबै बुडे । बेनि अनगायैबो भवानिपुर बिधान सभा बियाबनि सिडव थानाय सरुपेटानि दै जगायथाय बिफाननि मावखुलिखौबो दासान्दि सरभगजौं सरजाबनायनि थाखा सरकार थांखि लानायखौबो गोखौं हेँथा होन्नाबै सरकारनि बे बायदि थांखिखौ थाबैनो बोखारनो थाखाय रइजो-रजाफोर ज' जानानै माबा मोनसे मावनांगो होन्नाबै खालायहररो । गुबुन फार्सेँथि, भवानिपुर बियाबनि एमएलए फनिधर तालुकदारआबो बे सोमावसारनाय मेलव बाहागो लानानै गावनि बिबुँथियाव रइजो-रजाफोरखौं बे बिथिडव जिगासिनो नाड होन्नाबै खालायनायजौं लोगोसे जेबो जाहोनावनो सरुपेटा खाजोना बेंखन मावखुलिखौ बन्द जाया होन्नाबै फोरसायो । बे बिथिडव एमएलए तालुकदारआ रइजो-रजाफोरजौं अरायबो थागोन होन्नाबै फोरसायनायजौं लोगोसे बे आयदायाव सरुपेटानि रइजो-रजानि थान्दैखौ गिबि मन्थि हिमन्त बिश्व शर्माजौं सावरयनो खालु होगोन होन्नाबै बिथाड फोरसायो । दिनेँनि बे नोगोरारि मेलव आसाम सरकारनि केबिन्ट मन्थि रन्जित कुमार दासआ बाहागो लानानै बुडेदि, सरुपेटा खाजोना बेंखन मावखुलिखौ माब्लाबाबो बन्द जाया । गुबुन फार्सेँथि, बे मेलव सिपिआइ (एम)नि गागि दैदेनगिरि चित्ररन्जन दास, कलबारि सत्र सामब्लाय आफादनि नेहाथारि रपिभक्त बायन, कलिता हारिनि दैदेनगिरि बापनलाल चौधुरी, एजिपिनि दैदेनगिरि अरबिन्ड बर्मन, प्राजित कुमार दास, मन्च सरुपेटानि फादगिरि बिस्वजित तालुकदार, नेहाथारि कार्तिक पाठक, गेलेमुगिरि दिलिप कुमार दासजौं लोगोसे माखासे सुबुँफोर बिबुँथि होनानै सरुपेटा खाजोना बेंखन मावखुलिखौ बन्द खालामनो फोसावनायखौ गोखौं हेँथा होयो ।

साइक्लन डानाआ उरिष्या आरो सोनाब बंग'नि बोरिमायाव सौग्राव फैबाय

डाना बारहुँखाया बोरिमायाव सौग्राव फैनायनि सिगांनो उरिष्या आरो सोनाब बंग'नि बोरिमा ओन्सोलफोरव जुब-जुब अखा आरो गोखौं बार बारदौं । गिदिंखन बारनि गोहोमजौं बंगप लैथोनि दैआ 5 निफ्राय 6 मिटरसिम फैलासेम जौंखंदौं । दिनेँ 25 अक्टबरनि हर गेजेराव सौग्रावफैनाय डाना गिदिंखन बारहुँखानि गोखैथिया आरोबाव बांबावनो हागौ सांग्राथि फोसावदौं सोनाब बंग' आरो उरिष्याआव । डाना गिदिंखन बारहुँखाया बोरिमायाव सौग्राव फैनायनि सिगांनो बारहुँखानि गोहोमजौं उरिष्या आरो सोनाब बंग'आव गोब्राव अखा हागासिनो दड । बारहुँखानि गोहोमजौं अलखद फैनो हाथावनाखौ नोजोर लाखिनानै उरिष्या, सोनाब बंग'खौ लाफानानै दर 5 राइज्योफोरव मोन 56 एनडिआरएफ हान्जा थिसन्नानै सांग्राथियाव लाखिनाय जादौं होन्नाबै बिफानारि सुलुड फोरसायदौं । बोथोर बिफानआ फोसावनाय बायदिबै डाना बारहुँखाया पागद्वीपनिफ्राय 280 कि:मि: जान्थायाव गिदिंखनानै उरिष्या आरो सोनाब बंग' बोरिमा फारसे बारबोगासिनो दड । बे रोखोमैनो धमरानिफ्राय 310 कि:मि: जान्थायाव बे बारहुँखाया गिदिंखनानै बोरिमा ओन्सोलफोरसे फैगासिनो दड आरो दिनेँ हरनि गेजेरावनो बारहुँखानि गोहोम गोलेँफैगोन । लैथो गिदिंखन बारहुँखा डानानि गोहोमथिखौ नायनानै उरिष्या गोजौ बिजिरसालिया राइज्यो नाडै 24 आरो 25 अक्टबरखौ बन्द' सान फोसावदौं । बेरफारसे, अलखद फैनो हाथावनाखौ नायनानै बोखानाय आरो नागिरिनानयनि थाखाय एनडिआरएफजौं लोगोसे सान्थि हान्जा आरो कस्ट गाडफोरखौ सांग्रा खालामनानै दोन्नाय जादौं ।

बेरफारसे, लैथो बारहुँखा डानानि गोहोमआ आसामयावबो गोलैनायखौ नुनो मोन्नाय जादौं । दिनेँ फुबिलिनिफ्रायनो राइज्योनि दाब-दाब जिल्लाफोरनि अखाडव जोमै दाखिफवनानै थानाय फि-फि अखा हादौं । ओन्सोलारि बोथोर बिगियान मिरुनि बादियै दिनेँनि बिदुंआ 5 डिग्री सेलसियाससिम दावख्त्तायदौं । मैया बुधवारसिमाव आसामनि मेक्सिमम बिदुंआ 30 डिग्री सेलसियासमोन । डाना गिदिंखन बारहुँखानि गोहोमवनो आसामयाव अखा हानायजौं लोगोसे बिदुंआवबो दावख्त्तायनाय फैदौं । बोथोर बिफानआ फोसावनाय बायदिबै जायगा-जायगा अखाजौं लोगोसे मोप्लामनाय, खोरमनाय आरो सारअन्थाइ गावनायबो फैनो हागौ होन्नाबै सांग्राथि होदौं । बोथोर बिफानआ फोसावबावनाय बायदिब्ला, फैगौ 27 अक्टबरनिफ्राय आसाम नाडैनो रोजेव खुवा खुवो हागौ होन्नाबै सांग्राथिबो होदौं ।

लैथोनि गिदिंखन बारहुँखा डानानि थाखाय उरिष्यानि गेजेरजौं खारनाय गं 200 नि बांसिन दावबायारि रेलफोरखौ बातिल खालामनाय फोसावदौं रेल बिफानआ । बेजौं लोगोसे माखासे उरं जाहाजनि सिबिथायखौबो होबथानाय जादौं होन्नाबै बिफानारि सुलुड फोसावदौं । हान्था-मेलजौं लोगोसे लैथो सेरनि दावबायारि फसंथानफोर, फरायसालि फसंथानफोरखौ सान्नि थाखाय बन्द' फोसावनाय जादौं । बारहुँखानि गोखौंथि आरो गोहोमखौ नोजोर लाखिनानै कलकातानि नेताजी सुभाष चन्द्र बसु हारिमायारि उरं गाथोनिफ्राय उरं सिबिथायखौ बन्द' खालामनोबो फोसावनाय जादौं । उरं गाथोन बिफानारिनि बायदिबै 25 अक्टबरनि 6:00 बाजिनफ्राय 26 अक्टबरनि फुबिलि 9:00 बाजिसिम गासैबो रोखोमनि उरं सिबिथायफोर सोनाब बंग'आव बन्द' थागोन । बे रोखोमैनो उरिष्याआवबो डाना बारहुँखानि गोखौंथिखौ नोजोर लाखिनानै बोरिमा ओन्सोलनिफ्राय 10 लाख सुबुँफोरखौ बोखानानै गुबुन खैफोद गैयै थावनियाव दोनहैथ नाय जादौं । बोथोर बिफाननि बायदिबै 25 अक्टबरसिम उरिष्याआव डानानि उदखारआ सोलिबाय थागोन होन्नाबै हमदांनाय जादौं । बेरफारसे, सोनाब बंग'नि लैथो बोरिमा ओन्सोलयाव थानाय 1 लाख सुबुँफोरखौबो गुबुन जायगायाव लानानै दोन्थ हैनाय जादौं होन्नाबै बिफानारि सुलुड फोरसायदौं ।

अरं गोजौसिन गेजेरारि फरायसालियाव आरबिएसकेनि बान्जायनायाव देहा आन्जाद आरो फाहामथाय बादा खुदौं

रंग'सार आलक बरन सरकार, डा: सौरभ बर्मन, डा: दिपान्जनि बर, डेन्टेल सार्जन डा: नबनिता हाजरिका, डा: खगेन नाथ बर, अपथेलमिक एसिस्टेन्ट जतिन राय मोनहा देहा आन्जाद खालामनायजौं लोगोसे फाहामथाय सिबिथाय होयो । फार्मासिस्ट तैयबुर रहमान आरो इनामुल हक जाभेदेआ ग'थाफोरनो मुलिफोरखौ जगायनानै होयो । बे देहा फाहामथाय बादायाव सा 400 निबो बांसिन फरायसाफोरनि देहा आन्जाद खालामनाय जायो । बे फाहामथाय बादायाव मदद-हेफाजाब होनानयनि थाखाय अरं खोन्दो गुदि देहा मिरुनि आरबिएसकेनि ब्लक क-अडिनेटर जुमिथ्रि शर्माआ बयनिमिमबो साबायख'र जासिहरो ।

निकासिआव फैगौ 14 डिसेम्बरआव साननैनि हाबाफारिजौं निकासि गोजौ गेजेर इंराजि फरायसालिनि स'नाथि माइथाय फोर्बो फालिगोन

फरायनानै दासिम गोबां फरायसाफोर गोजौ सोलौंथाइ लानायजौं लोगोसे गोजौ थाखोनि सरकारि मासियाव जिययनानै दं । जारिमिनारि बे फरायसालिआ फैगौ 14 डिसेम्बरआव 50 बोसोर आबुं जागोन । स'नाथि माइथाय फोर्बो फालिनायनि लोब्लाजौं दासान्दि जयलाल पखेलखौ आफादगिरि, नेन्द्र उपाध्यायखौ मावकुं आफादगिरि आरो मान्ना सिंह ब्रह्मखौ गहाइ नेहाथारि महैर लानानै 13 सोद्रोमानि स'नाथि माइथाय फालिथायनि रायदाव आपाद दाफुंनाय जादौं । साननैनि हाबाफारिजौं खुंनो गोनां स'नाथि माइथाय फालिथायनि थाखाय रंखान्थियारि महैर मदद-हेफाजाब होनानै हाबाफारिखौ जाफुंसार होनो रायदाव आफादआ बयनिमिमबो खालायहरदौं ।

बिपिएफ दोलोनि मिरुनि नेहाथारि रफिक आहमेदआ बिबान एंगारबाय

सालबारिनि बासबारिआव थानाय कहवा रिजटआव खुंनाय मोनसे खौरंगिरि मेलव रफिक आहमेदआ बिपिएफ दोलोखौ नागारबाय होन्ना फोरसायनानै बिथाड अबर' सुरक्षा कमिटिजौं नांथावनायखौ फोरसायो । खौरंगिरि मेलव रफिक आहमेदआ बिपिएफ दोलोखौ गुबुन गुबुन रोखोमै संखारिनायजौं लोगोसे बिटिसिआव जिउ खुंनाय अबर' रइजो-रजाफोरनि शार्तआव बिपिएफ दोलोखौ नागारनानै अबर' सुरक्षा कमिटिआव हाबदौं होन्नाबै रोखायै फोरसायना होयो । बिपिएफ दोलो नागारनाय रफिक आहमेदआ खौरंगिरि मेलव बुडेदि 'बिपिएफआव अबर'नो मुखवसो बिबान होयो । नाथाय बिबान गोनां अबर'खौ बिपिएफ दोलोया जेबो रोखोमनि गोनांथि होया ।' गुबुन फार्सेँथि, नोजोर होथावनादि, खौरंगिरि मेलव अबर' सुरक्षा कमिटिनि नेहाथारि जन दाआ बाहागो लानानै कक्राझार लक सभा बियाबनि बारग' एमपि आरो गण सुरक्षा पार्टि जिएसपिनि आफादगिरि नब कुमार शरनियानि हेँथायै खुद्रिखाडे आरो नब कुमार शरनिया, जिएसपि दोलोखौ गुबुन गुबुन रोखोमै गोखौं रवजौं सोंखारियो । अबर' सुरक्षा कमिटिनि नेहाथारि जन दासआ खौरंगिरि मेलव बुडेदि, 'बिपिएफ आरो इडिपिएल दोलोया गावसोरनि बर' माहारियारिबादनि शार्थआव ज' जागोन । जौबो बिसोरनि ज' जानायखौ हास्थायो । बेयो जौनि थाखाय जोबोर मोजौं । बिसोरो जुदि रजखान्थियारि रेखाथिनि थाखाय ज' जानो हायो, अब्ला जौबो बिटिसिनि रजखान्थिनि जायफोर अबर'आ बिपिएफ, बिजेपि, कंग्रेस, इडिपिएलआव नांथावनानै दं अबर' रेखाथिनि शार्थआव ज' जाथौं ।' खौरंगिरि मेलव जन दासआ बुडेदि, 'कक्राझार लक सभा बियाबनि बारग' एमपि नब कुमार शरनियाआ अबर' रइजो-रजाफोरनि शार्थआव जिएसपि दोलोखौ जोनोम होनानै फैगौ उका बिसायख'थियाव चिदली बिधान सभा बियाबनव तबु ब्रह्मनो बिजाथि होदौं । बेनि उनाव नब कुमार शरनियाआ जिएसपि दोलो आरो अबर' सुरक्षा कमिटिआ थायसे रनि मोननै उल्था बिखुं होन्ना बुडेब्ला आइनआरि महैर मान हानि खालामनायनि गसर थिसनगोन । नब कुमार शरनियाआ अबर'नि मुडव जिएसपि दोलोखौ गायसन्नानै चिदलीआव तबु ब्रह्मनो बिजाथि होगोन, फिन 2025 माइथायव जिएसपिनि मुखव पानजागोन । नब कुमार शरनिया, जिएसपि दोलोया बायनाय-फान्नाय राजखान्थिखौ बन्द खालाम ।' खौरंगिरि मेलव अबर सुरक्षा कमिटिनि मिरुनि नेहाथारि जहरुदिन आहमेद, बाक्सा जिल्ला आफादनि आफादगिरि कुलधर पाठक, मावकुं आफादगिरि महानन्द दास, नेहाथारि मन दासजौं लोगोसे माखासे अबर' दैदेनगिरिफोर बाहागो लायो ।

उफ्रा बिसायख'थिनि थाखाय दिनेँ सा 9 बिजाथिफोर नमिनेसनलाइ गथायबाय

गासै सा 14 बिजाथिफोर नमिनेसनलाइ गथायबाय । 77 नं बिहाली बिधान सभा बियाबनआव दिनेँ सासेबो बिजाथिया नमिनेसनलाइ गथायखै ।मख'नो गोनाँदि, उफ्रा बिसायख'थिनि थाखाय नमिनेसनलाइ गथायनायनि जोबथा सानआ 25 अक्टबर, 2024 सिम थागोन ।

1 नभेम्बरनिफ्राय काजिरडा माहारिया पार्कआव मैदेर साफारि बेखेवगोन

हाग्रा मन्थि चन्द्र महन पातवारिआ दावबायारिफोरनि थाखाय काजिरडा माहारियारि पार्कखौ बेखेवनानै होनायजौं लोगोसे दावबायारिफोर रंजानो हानाय बायदि हाइकि, ट्रेकि, दाउमा-दाउसा नायगिदिनाय, साइकेल सालायनानै नायनो हानाय खाबुफोरखौ बेखेवनानै होदौंमोन ।

सालबारि फरायसालिमायाव नाकनि नायबिजिर हान्जाया नायगिदिंफैदौं

गोनाँदि, मैयानिफ्राय साननैनि हाबाफारिजौं नाकनि हान्जाया सालबारि फरायसालिमनि गासैबो बिथिफोरखौ नायगिदिनाय हाबाफारिया दिनेँ थुगेफैयो । नाकनि हान्जायाव बिहारनि गयानि साहा बिहार मिरु मुलुगसोलौंसालिनि श्यामा नन्द सिंहाआ मासिगिरि महैर, कर्नातकनि जि नं आकासा देबनागरेनि बिराभाग्राया बि पिआ सेक्रेटारि क-अडिनेटर महैर आरो तामिलनाडुनि गान्धीरामनि गान्धीग्राम गाभियारि फसंथाननि पि बालासुब्रमनियामआ सोद्रोमा महैर बाहागो लानानै नायगिदिंफैयो । मैया नाकनि नायबिजिरया हान्जाया नुजाथिफैनाय लोगो-लोगोनो सालबारि फरायसालिमनि फोरंगिरि-मावफारिया, फरायसा, खुंथाया आफादआ दुंबुदयै बरायो । फरायसालिमनि फरायसाफोरजौं बर', आदिबासि, असमीया दोरोडारि खुगा हारिमु, एनसिसि गान्जानि हाबाफारि, एनएसएसनि हाबाफारिजौं लोगोसे बरायो । नाकनि नायबिजिरया हान्जाया फरायसालिमनि लुफुंथाय, सोलौंथाइ होनाय, सिगानि आन्जादनि फिथाइफोरजौं लोगोसेबो गासैबो दिगखौ नायबिजिरो । बेनि अनगायैबो फरायसालिमनि फोरंगिरि-मावफारिया, फरायसा-बारग' फरायसा, दिथागिरि, खुंथायारि आफादजौं सावरयालायो । मख'नो गोनाँदि, दिनेँ नायगिदिनायनि जोबथा हाबाफारियाव भवानिपुर बिधान सभा बियाबनि एमएलए आरो सालबारि फरायसालिमनि गर्भनि बडिनि आफादगिरि फनिधर तालुकदारआ बाहागो लानानै नाकनि नायगिदिंरा हान्जाजौं सावरयालायो ।

सेउनिगाव आरो सुक्लाइ आयुष्मान आरइ मन्दिउरत एनकिउएएसनि थान्दै हान्जाया नायगिदिंफैदौं

नायगिदिंफैगोन । महकुमा देहा बिबानगिरि डा: अनिल डेका, डा: बि के शर्मा, माहारियारि देहा मावथांखिनि जिल्ला बिथांखि सामब्लायगिरि बालिस तप, डा: मुकुत ब्रह्म, अर्चना सहरियाजौं देहा बिफाननि गुबुन बिबानगिरि-मावफारिफोरनि नुजाथिनायाव एनकिउएएसनि थान्दै हान्जाखौ दुंबुदयै बरायो ।

चिदली बिधान सभा बियाबनि इडिपिएल दोलोनि बिजाथि निर्मल कुमार ब्रह्मआ बिजाथिलाइ गथायबाय

बसुमतारि, एनडिए जुथाय हान्जा बाहागोगिरि दोलो इडिपिएल, बिजेपि आरो एजिपिनि गोबां दैदेनगिरि-मावथिफोर बाहागो लायो । बिजाथिलाइ गथायनायजौं लोब्बा लाखिनानै काजलगाव मिनि स्टेडियामनिफ्राय जगायनानै 31नं माहारियारि राजालामाजौं चिरां जिल्ला बेंगिरि मावख'सिम मोनसे हान्जा सुरनाय हाबाफारि खुंनाय जायो । जुथाय हान्जानि बाहागोगिरि दोलो इडिपिएल, बिजेपि आरो एजिपि दोलोनि गोबां बिबानगिरि-मावथिफोर बेनार, दोलोनि फिफिला लानानै बे हान्जा सुरनाय हाबाफारियाव बाहागो लायो आरो चिदली बिधान सभा बियाबनि उफ्रा बिसायख'थिनि थाखाय इडिपिएलनि बिजाथिनो गावसोरनि मदद होयो । बिटिसिनि गहाइ मावकुं सोद्रोमा प्रमद बर'आ बुडेदि, चिदली बिधान सभा बियाबनि उफ्रा बिसायख'थिनि रेलिआव एनडिए जुथाय हान्जानि बेनार सिडव दोलोनि मददगिरिफोरा गोबां बाहागो लानायखौ नुनो मोनदौं आरो बे बायदिनो इडिपिएलनि बिजाथि निर्मल कुमार ब्रह्मनि देरहानाया दासिम रोखा जाबाय । बिथाड बुडेदि, समाजनि गासैबो थाखोनि सुबुँफोरा इडिपिएलनि बिजाथिखौ मदद होनो सिगांबोगासिनो दं । बिथाड बुंबावोदि बिटिसि सरकार आरो आसाम सरकारा खुंथाय गोहोयाव फैनाय उननिफ्रायनो समाजनि जौगानाय आरो दावगानायनि थाखाय सिबिथाय होगासिनो दं । चिदली बिधान सभा बियाबनि उफ्रा बिसायख'थिनि थाखाय जौनि इडिपिएल-बिजेपि-एजिपि (एनडिए) गोरोबथानि बिजाथि निर्मल कुमार ब्रह्मनि बिजाथिलाइ गथायनाय रेलिआव बयजौबो अन्साइजनाय मददनि बाना सोमजिदौं । सुबुँफोरनिफ्राय अननाय आरो अन्साइनानयनि नुंगुबै बानाया दिन्थियो दि फैबाय थानाय उफ्रा बिसायख'थियाव जौनि जुथाय हान्जाया गोबां भटनि फारागथिजौं देरहागसिनो दं होन्नाबै प्रमद बर'आ बुडे । बिथाड चिदली बिधान सभा बियाबनि गासैबो नोगोरारिफोरनो गोखौं मददनि थाखाय साबायख'र बाउहरो । आसाम बिजेपिनि आफादगिरि भवेश कलिताया बुडेदि चिदली बिधान सभा बियाबजौं लोगोसे एनडिए जथाय हान्जानि साबा बिजाथिफोरा राइज्योनि उफ्रा बिसायख'थि गेलेनाय बियाबफोरनिफ्राय जोबथा मिनिगासिनो दं । बिथाड बुंबावोदि आसाम राइज्यो आरो बिटिआरआव एनडिए गोरोबथा सरकारा समाजनि गासै जौगानायनि थाखाय खामानि मावनो थाखाय रादाय होदौं । एनडिए गोरोबथाजौं मदद होजानाय इडिपिएल दोलोनि बिजाथि निर्मल कुमार ब्रह्मआ उफ्रा बिसायख'थियाव गोबां सुबुँ अन्जिमनि मददजौं देरहागोन होनना फोथायनाय फोरमायो, मानोना हारिफोरनि सरासनसा सुबुँफोरा एनडिए गोरोबथाखौ मदद होनो सिगांबोगासिनो दं । बिथाड बुंबावोदि, फैबाय थानाय समाव नोगोरारिफोरनि गोग्गो जौगानाय आरो जौगाथाय लाबोनो थाखाय सिबिथाय होगोन । एमपि रोनागोरा नाजारीआ फोरमायोदि इडिपिएलनि बिजाथि निर्मल कुमार ब्रह्मनि देरहानाया जोबोद रोखा मानोना हारि-माहारिनि सुबुँफोरखौ मदद होनो सिगांबोगासिनो दं ।

प्रमद बर'आ कक्राझारआव बांबोनय मेलेरियाखौ होबथानो थाबैनो राहा लानो बिथोन होदौं

एक्सन कमिटि गायसन्नाय जायो जेराव सावस्त्रि बिफाननि सेक्रेटाकिआ सोद्रोमा सेक्रेटारि महैर हाबा मावगासिनो दं । बे आफादाव कक्राझारनि जिल्ला बेंगिरि, कक्राझार मेडिकेल कलेजनि थान्दै आरो सावस्त्रि बिफानखौ गोनांथार होबथानायनि राहाफोरखौ नोजोर होनो आरो मावकुंनो थाखाय लाफानाय जागोन । गोहोम गोलैनाय जायगाफोराव फिल्ड मावफारियाफोरनि आंखालखौ नोजोर होनानै, प्रमद बर'आ गोहोम गोलैयै ओन्सोलफोरनिफ्राय मेलेरिया फिल्ड मावफारियाफोरखौ थाबैनो थिसनो बिथोन होयो । बिथाड कक्राझार जिल्लायाव मोनसे एन्'म'लजिकेल जरिप जागानो थाखाय राइज्योनि सावस्त्रि बिफानजौं गोखै हेफाजाब होनो खाललायो । बावैसोनि रिपटआव 2023 माइथायव मोन 256 केसफोरनि रुजुनायाव कक्राझारआव मोन 922 रोखा सन्देरनायजौं मेलेरियानि बेरामाव गोब्राव बांनानयनि इसरा होयो । बे मेलव सावस्त्रि बिफाननि थाखाय बिटिसिनि मावकुं सोद्रोमा अरुप कुमार दे, कक्राझारनि जिल्ला बेंगिरि माचान्दा मगदालिम पटिन, कक्राझार मेडिकेल कलेजनि गोरयुं, बिटिसिनि सावस्त्रि सेक्रेटारि आरो गोजौ बिफानारि मावख'गिरिफोरा बाहागो लायो । उनाव बिटिसि सेक्रेटारियेटआव गहाइ मावकुं सोद्रोमा प्रमद बर'आ मोनसे गोग्गो बिटिआरखौ जौगाहोनायनि थांखिजौं गुबुन गुबुन गाहाय सावस्त्रि बिथांखिफोरखौबो नायबिजिरो । प्रेजेन्टेसनआव आइ अन्साइ बिथांखि हाबाफारि, नेबारहुड अफ केयार (एनअसि) हाबाफारि आरो बड'लेण्ड केन्सार केयार ट्रस्टआ गावसोरनि बाजेट आरो सम सिमनाफोरनि सायव सावरयनायजौं लोगोसे दफ्तरमोन ।' बिटिआरनि गोरोबलायनायनि बिखान्थि: थाथाय आरो आरोबाव आगानफोर फरवार्ड-लिकिं रिसार्च आरो सिभिल ससाइटि बिखान्थि 'नि सायाव नोजोर होनानै साननैनि हारिमायारि मावबादनि थियारिजौं लोगोसे कमिउनिटिज भिजन डकुमेन्ट कमिटिनि बिथांखिफोर आरो हाबाफारिफोरखौबो बिजिरनाय जायो ।

हरिसिंगा ब्लक कमिटि बिपिएफनि खुंगा 11थि बोसोरसालिया जथुम्माया जोबलांबाय

बायदि हाबाफारिफोरखौ लाबोबाय थानायखौ नुनो मोनबोबाय थानाय समावनो दिनेँ फिन उदालगुरि जिल्ला ससत्रापारा गोजौ फरायसालिनि गेवलां गेलेग्रा फोथायव सानसेनि हाबाफारि लानानै 36 नं हरिसिंगा ब्लक कमिटि बिपिएफ राजखान्थि हान्जानि बान्जायनाय आरो ससत्रापारा प्राइमरि बिपिएफनि मदत आरो हेफाजाबाव दिनेँ 36 नं हरिसिंगा ब्लक कमिटि बिपिएफनि खुंगा 11थि बोसोरसालिया जथुम्माया बोथोरनि गाडि गोहोमखौ नेवसिगारनानै मोजाडे मोजां जोबनानै थाडे । हाबाफारि बायदिबै फुबिलि समाव थान्दै मेलआव बाहागो लाफैनाय सोद्रोमाफोरनि मुं थिसननाय आरो हान्जानि फिफिला बिरहोनाय, मुंखलफोरनिमिसिम गोसोखांथियाव बिबार बाडनाय बायदि हाबाफारि लानाय जायो । बे हाबाफारिखौ मावकुंनानै होलाडे मोनसे समनि बिटिसिनि बारग' बुंथिगिरि एबा सोलिफु हरिसिंगा ब्लक कमिटिनि आफादगिरि त्रिदिप दैमारिजौं लोगोसे ब्लक कमिटिनि आवथायाव थानाय मोनफ्रोमबो प्राइमारिनि आफादगिरिफोरा आरो मुंखलनिमिसिम बिबार बाडजेनो बिटिसिनि बारग' एम सि एल ए कार्तिक चन्द्र बर'आ । हाबाफारियाव बाहागो लानाय रइजो-रजा आरो हान्जानि दैदेनगिरिफोरजौं जथायै सावरयज्जलायनो थाखाय जथुमाजौं लोब्बा लाखिनानै मोनसे गेवलां सावराय मेल हाबाफारि लानाय जायो । हरिसिंगा ब्लक कमिटिनि आफादगिरि त्रिदिप दैमारिनि मासि आजावनानै दैदेननाय बे सावराय मेलखौ गावनि बेसेनगोसा बिबुँथिनि गेजेरजौं बेखेवना होयो मिरु बिपिएफनि लोगो आफादगिरि रबिनसन मुसाहारीआ । बिटिसिनि सोलिफु जथाय सरकारआ दिनेँनि सानाव थानाय बिसायख'थिनि सिगांडव रइजो-रजाफोरनो खोथा होना खोथा लाखिनो हायाखै, गुबुन गुबुन बियाबजौं लोगोसे 36 नं हरिसिंगा बियाबआ जेरैबायदि जौगोनो नांगोमोन नाथाय दिनेँसिमबो बे बेबायदि जौगानायखौ नुनो मोन्नाय जायासे, जायनि जाहोनाव हरिसिंगा ओन्सोलनि रइजो-रजाफोरा गुबुन बियाबजौं लोगोसे हरिसिंगा बियाबखौ फैगौ बिटिसिनि बिसायख'थियाव बिपिएफखौ फिन देरहासात खालामनो थाखाय दिनेँ बे बोसोरसालिया जथुम्मानि गेजेरजौं थांखि लाबाय आरो फैगौ समाव बिटिसियाव बिपिएफनि खुंथाय सरकारखौनो लाबोनो थाखाय जौनो खोथा होदौं होन्ना बुडे गेवलां मेलनि गहाइ आलासि थामहिन्बा मोनसे समनि बारग' मन्थि रिहन दैमारिआ । 2020 माइथायाव जानानै थानाय बिटिआर गोजोन गोरोबथानि माखासे दफाफोरखौ मावकुंनाय, बारग' एनडिएफबिफोरनि जेना बोसांनाय, बेफोर गोबां बिथिंआवबो दानि बिटिसि सरकारआ फेलेँ जानो गोनां जादौं होन्ना दिनेँनि हाबारिनि गेजेरजौं गावनि बिबुँथिआव अजद दैखांदौं बारग' मन्थि दैमारिआ । 70 नं माजबाट बिधान सभा बियाबनि एमएलए चरन बर', धोनसि बियाबनि एमसिएलए फ्रेस मुसाहारी, मिरु बिपिएफ लाइमोन गांखनि आफादगिरि रिन्जय बर', बारग' एमसिएलए रिपेन दैमारि, उदालगुरि जिल्ला बिपिएफ आइजो गांखनि आफादगिरि मिरा दैमारीमोनजौं लोगोसे गुबुन गुबुन बिपिएफनि दैदेनगिरि आरो हान्जाखौ अन्सायगिरि रइजो-रजाफोरनि मदतजौं हाबाफारिया दिनेँनि सानाव मोनसे जाफुंसार महर मोन्नो हायो ।

गाहाम देहानि राहा

आखरटआ माखासे बेरामनि थाखाय मुलाम्फा गोनां

गोजां बोथोराव जर'खागिरिफोर सम सम गोरान आदार जानो सुबुरुन होयो। मानोना बेबादि बोथोरआव आखरट बादि सुफुंसार थादेरसाजो बुफननाय गोरान जांमुफोर गासै देहाखौ इम्फुप खालामनो हायो। मानोना अखरटआव भियामिन, अमेगा 3, एन्टि अक्सिडेन्ट, फाइबर, केल्सियम, फटसियम आरो कपार बायदि सुफुंसार गुदि मुवाफोरखौ मोन्नाय जायो। जाउनाव बे फिथाइनिफ्राय बिखाजो सोमोन्दो थानाय गोब्राब बेराम आरो माखासे गिथावना बेरामफोरनिफ्राय एसेब्लाबो रेहाय मोन्ना होयो। नोंथाड बिखांनि सावस्त्रिखौ गोखोडे लाखिनो लुबैयोब्ला बे फिथाइखौ जानाया मुलाम्फा गोनां। बे फिथाइआ हाइ ब्लाड



प्रे सारनि जेनाखौबो गोवां ले भेलसिम कन्ट्रलआव लाखिनो हायो। बे फिथाइखौ जायोब्ला देहायाव जमा जानाय गात्रि कलेस्ट्रलफोरबो बाडइ जायो। अखरटखौ डाइटीन रुटिनआव सोफायोब्ला कलेस्ट्रलिन ले भेलखौ समान्थायाव लाखिनो हायो। बेनि अनगायैबो नोजिया मेम'रिनि गोहोखौ बे फिथाइजो सुद्रायनो हायो। बे फिथाइखौ जायोब्ला बावगारनाय बायदि

सुपारस्टार रणबिर कापुरनि बिब' रिद्धिमा कापुर साहनिआ गावनि गिबि टेकखौ होबाय

सुपारस्टार रणबिर कापुरनि बिब' रिद्धिमा कापुर साहनिआ गामामाथैनो केमेरानि सिगाडव गावनि गिबि टेकखौ होबाय। जेब्लाबो गावखौ लाइमलाइटीनफ्राय जानगाव दोनगा ऋषि कापुर आरो नितु कापुरनि अनसुलि फिसाजो रिद्धिमाआ नेटफ्लक्सनि 'फेबुलास लाइक भारसेस बलिउड वाइब्स' स्व'नि थामथि सिजनआव नुजाथिदो। माखासे सान सिगांनो बे टिथि सिरिजआ नेटफ्लक्सआव रिलिज जादोमोन, जेराव मुम्बाइ गार्लनिफ्राय दिल्ली गार्ल जानाय रिद्धिमा कापुर साहनिआ बेखौ मिबथि होयोदि, दिल्ली आरो मुम्बाइनि गेदेराव बबेनि लाइफआ बांसिन फेबुलास। अदेबानि फेबुलास लाइफ भारसेस बलिउड वाइब्स आव नोंथांमोनहा रिद्धिमा कापुरनि जाय समाइना न'खौ नुदों आरो लागजारि



लाइफखौ नुदों बेफोर खालि मोनसे बाहागोसो, मानोना धोनिनि बिथिडाव बिथानि फिसाय भारत साहनिआ गिदिर गिदिर सुपारस्टारफोरनिफ्रायबो बांसिन खामायो। भारत साहनिनि नेटवार्थआ बेसेबां आरो बिथानि फालांगिआ मा

बेफोरखौ मिबथिगोन, नाथाय लोगोसेनो रिद्धिमाजो फिसायजोनि लाभ स्टरनि सोमोन्दोबो गासिबो डिटेल्सखौ होगोन। रिद्धिमाजो लोगोसेनो बेयो बिथानि फिसाय भारतनिबो अटिटीआव डेब्युमोन। स्व'आव बिथानि नुनायनि उनाव माखासे

सुबु'फोरनि गोसोआव बे सॉलुआ थारैनो सिखांदोदि, कापुर नख'रनि बिजामादे भारत साहनिआ थारैनो सोर आरो बिथानि फालांगि एबा बिजनेसआ मा? भारत साहनिआ माल्टि मिलेनियर बिजनेस मेन। बिथाड गावनिनो

नख'रनि बिजनेस सालायो। रणबिर कापुरनि बिगुमै भारत साहनिआ गारमेन्ट एक्सपर्ट कम्पानीनि मेनेजिं डायरेक्टर। रिपर्टनि बायदिब्ला, बिथानि एनुएल टार्न अभाखा 250 कौटि रं एबा 30 मिलियन। रिद्धिमानि फिसायआ 2002 माइथायाव बे कम्पानीखौ जागायदोमोन आरो सुलुनि बादिब्ला, बिथाड गारमेन्ट कम्पानीनि गासिबो मार्केटि आरो आईडियाज क्रि एटिभनि आईडियाफोरनि सायाव गावनो खामानि मावयो। भारत साहनिनि नेटवार्थआ 252 कौटि रंनि साखाथिआव। फेबुलास लाइफ भारसेस बलिउड वाइब्सआव रिद्धिमा कापुरआ गावनि सुइटहाट भारत साहनिजो गिबि लोगो मोनजेन्नायनि गोसोखांथि फोरखौबो शेयार खालामदो।

राजकुमार राव आरो तृप्ति डिमरिनि केमिस्ट्रिआ सुबुंफोरनिफ्राय जोबोद अन्सायनाय मोन्दो

आगस्ट आरो सेप्टेम्बर दानआव इन्डियान बक्स अफिसनि थाखाय जेसेबां दोहो सोमजिनाय जादोमोन, अक्टबर दानाव बे बायदिनो मोजां जादों। बे दाननि 11 अक्टबरआव सानै गेदेर फावगिरिफोरनि सावथुनफोरनि गेजेराव बक्स अफिसआव सुबुंफोर थुवर जादों। फारसेथिं, जेराव आलिया भाट्टआ एक्शन सावथुन 'जिगर' जो लोगोसे अडियन्सखौ इम्प्रेस खालामनो थाखाय फेदों। बेबायदिनो गुबुन फारसेथिं, 'स्त्रि 2' नि उनाव राज कुमार रावआ फिन खेब 'भिकि' जानानै गावनि डायलजजो सुबुंफोरखौ मिनहोनाय नुनो मोनो। अदेबानि बे खेबाव बिथाड श्रद्धा कापुरनि जायागायाव नेशनल क्राश तृप्ति डिमरिजो



लोगोसे रमान्स खालामदों। मोनैबो सावथुनफोरनि जागायनाया मोजाडे नो जादोमोन, नाथाय नैथि सप्ताह जानाय लोगो लोगोने बक्स अफिसआव मोनैबो सावथुननि थासारिया गात्रिसिन जादों। राजकुमार राव आरो तृप्ति डिमरि बिसोर सानैनि थाखायबो 2024 माइथायनि जागायनाया सावथुनफोरनि थाखाय जोबोर मोजां जादों। फारसेथिं जेराव

राजकुमार रावनि मोनबै सावथुनफोर नुजाथिदों, अदेबानि भिक्क कौशल आरो एमि बिकेनि 'अपजिट बंड निउज' निफ्राय तृप्तिआबो गावनि एक्टिं स्क्रिपसजो अडियेन्सफोरखौ इम्प्रेस खालामनायाव जाफुंसारदों। राजकुमार आरो तृप्तिनि 'भिकि भिद्या का वो वाला भिडिअ' सावथुननि केमिस्ट्रिआ जोबोर अन्साय जादों। बक्स

अफिसआव सावथुननि जागायनाया मोजां जादोमोन, नाथाय 12 साननि उनाव बे सावथुना गाहायाव फेदों। सुलुनि बायदिब्ला, भिकि भिद्या का वो वाला भिडिअ' सावथुननि खालामनाया रिलिजनि 13थि सानाव लाख रंआव दावखलायबोदों। सावथुनआ बुधवार खालि 94 लाख रं बिजनेस खालामदों। इन्डियान बक्स अफिसआव सावथुननि कालेक्शनआ 36.44 कौटि रंसिम सौहैदों। वाल्ड वाइडआव सावथुनआ 49 कौटि रं आरजिबाय। नाथाय आलिया भाट्टनि 'जिगर' सावथुनखौ फिन दावखोफिनो थाखाय गोब्राब जानाय नुनो मोन्दो। बे सावथुनआ बक्स अफिसआव रिलिजनि 13थि सानाव खमेदो 51 लाख रंनि फालांगि खालामदों।

बबि देअल आरो सुर्याआ गावसिनि सावथुनखौ हिट खालामनो नाजादो

14 नभेम्बरखालि खोलानि साउथनि स्टार सुर्यानि 'कंगुवा' सावथुनआ सिनेमाहलफोराव नुजाथिनो थाखाय साखा-फार जाबाय। बे सावथुनआ हिन्दी सिनेमा मोजां मोनगा सुबुंफोरनि गेजेरावबो जोबोद एक्साइटेड सोमजिहोदों। बेनि जख्खा जाहोनानो जादों बबि देअल, जाय सावथुनआव भिलेनिन फावआव नुजाथिगोन। 'एनिमेल' सावथुनआव जे बादिथै भिलेन जानानै देअलआ मुं आरजिनो हादोमोन, बे बादिनो बिथानि 'कंगुवा' सावथुननिफ्रायबो मिजिंथिनाय जादों। सावथुननि प्रमशनआ गाजा-गोमजायै सोलिगासिनो दड। नाथाय बेनि गेजेराव बबि आरो सुर्याआ सावथुनखौ हिट खालामनो थाखाय मोनसे गोदान लामा दिहुन्दों। बलिउड स्टार



सुर्यानि पिरियड एक्शन ड्रामा, 'कंगुवा' सावथुनखौ साफ्रोमबो सुबुंफोरनो नेनानै दड। बे हाइ बाजेट पेन-इन्डिया एन्टरटेनरनि मेकार्सफोर बावैसोस सिगां मुम्बाइ आरो गोदान दिल्लीआव सावथुननि प्रमखौ जागायदोमोन। सुर्या, बबि देअल, डायरेक्टर शिवा आरो दिशा पाटनिजो लोगोसे 'कंगुवा' नि टिमआ सावथुननि तेलेगु भाजनिन प्रमशन खालामनो थाखाय दिने हाइड्राबादआव सौहैगोन। टिमआ

अन्सायगिरिफोर दड। बबेखानि जुदि बबि देअल आरो सुर्याआ गावनि सावथुनखौ नन्दमुरि बालकृष्णनिफ्राय प्रमट खालामहोयो, अब्ला तेलेगु सिनेमानि नायगिरिफोरबो बिथानि सावथुननि फरसे गोसो बोबोनो हागौ। फारसेथिं बबि देअलआ सन्दिप केडु वांगानि 'एनिमेल' सावथुनाव भिलेनगिरि दिन्तिनायनि उनाव तेलेगु राडज्योआव गावनि मासि आवाग्रिनानै दड। अदेबानि आथिखालाव हाइड्राबादआव बबि देअलखौ 'कंगुवा' नि प्रमशन खालामनाय नुनाया अन्सायगिरिफोरनि थाखाय जोबोद रंजाथाव जागोन।

सलमान खान आरो लरेन्स बिशनइनि जेनानि गेजेराव मैगं फानग्रानि एन्ट्रि




बलिउडनि सुपारस्टार सलमान खाननि सिक्किउरिटीखौ आरोबाव बांहोबावदों। बिथाड जेरावखि थाडामानो, बिथानि रेखाथिनि थाखाय खमैबो सा 60 निखुड बांसिन सिक्किउरिटीफोर बिथांजो लोगोआव थाफायो। गोसोम गाबनि मैखौ मैहुर खालामनाय जाथायाव 'सिकन्दर' नि फावखुंरखौ थांनाय गोबाव समनिफ्रायनो लरेन्स बिशनइ गोनिक्राय लान्थिये बुथारनो हुमखि मोनगासिनो दड। बेनि गेजेरजो नो माखासे सानफोर सिगाडव सासे सुबुड ट्राफिक पुलिसनो मेसेज खालामनानै सलमान खानआ 5 कौटि रं हरनांगोन, नडाब्ला बिथांखौबो बाबा सिद्धिकि बायदिनो बुथारगोन होन्ना नै हुमखि हरदोमोन। बे मेसेजनि

उनाव मुम्बाइ पुलिसआ आरोबाव सांग्रासिन जादोमोन। अदेबानि बे जाथायाव आरोबाव मोनसे गोदान आपडेट फेदों, सलमान खानखौ हुमखि हरया सुबुंखौ ग्रेप्टार खालामनाय जाबाय। खोरॉनि बायदिब्ला, मुम्बाइ पुलिसआ सलमान खाननिफ्राय 5 कौटि रं दाबिनाय सुबुंखौ जमशेदपुरनिफ्राय ग्रेप्टार खालामनाय जाबाय। मुम्बाइ पुलिसनि बादिब्ला, ट्राफिक पुलिसनो सलमान खानजो लोब्बा थानाय मेसेज मोन्नायनि उनाव बै सिनाय मोनै सुबुंनि बेरेखायै केस थिसन्नाय जादोमोन। बे रिपर्टआव बेखौबो मिबथि होनाय जादोदि, सलमान खानखौ हुमखि हरया सुबुंनि लकेशनआ झारखान्डआव ट्रेक

जायद खानआ 'मै हुना' सावथुननि सोमोन्दै माखासे बाथा सावरायदों

2004 माइथायाव 'मै हुना' मुनि मोनसे सावथुन फेदोंमोन। बे सावथुनाव शाहरुख खान, जायद खान आरो अमृता रावआ लिड रल खालामदोमोन। सावथुनआ ब्लक ब्लास्टार जाना नुजाथिदोमोन। जायद खानखौ बे सावथुनाव शाहरुख खाननि अपजिट कास्ट खालामनाय जादोमोन। नाथाय बेखौ लानानैबो गिदिर ड्रामा जादोमोन। अदेबानि बावैसो सिगां मोनसे इन्टरभिडआव फावखुंरुरआ बेखौ लानानै बेखेवनानै सावरायदों। अमृत रावनि इडुट्ट चनेल कापल अफ थिं'सनो होनाय इन्टरभिडआव जायद खानआ मिबथिहोयोदि, शाहरुख खानआ शुटिं जागायनायनि सिगां बिथानाव मोनसे गोमोथावन। सॉलु खालामदोमोन, जायखौ बिथाडा जोबोद गात्रि मोन्दोमोन। जायदआ मिबथि होयोदि, किं खानआ बिथांखौ सॉंदोमोनदि, मा नों एक्टिंखौ खालामनो हागोन ना? जायदआ मिबथि होयोदि, फाराह खानआ बिथांखौ बुंदोमोनदि, शाहरुख खानखौ गावनि अफिसआव फैनानै लोगो हामनो। जेब्ला बिथाड फाराहनि अफिसआव सौहैयो अब्ला बिथाड जेबो सानस'नो



हायाखैमोन जे फाराहआ मानो बिथांखौ लिंहरदों। फाराहआ बिथांखौ बुडो, खालि 2


मिनटिनि थाखायल' सिरि था। जायदआ सान्दोमोनदि, बिथाड जोबोद स्ट्रिक। बे समावनो

शाहरुख खानआ सिंआव हाबफैयो। जायदआ मिबथि होयोदि, शाहरुख खानआ जोबोर मोजां सुबुं आरो बयजोबो जोबोर मोजाडेनो नुजाथियो। जायदआ जोबोर गोसो होनानै बिथांखौ खोनासंवाय थादोमोन, नाथाय बिथाडा जेबो बुजिनो हायाखैमोन। शाहरुख खानआ मिबथि होयोदि, बिथाड 'मै हुना' सावथुननि थाखाय बिथांखौ सेकेन्ड लिड हिसाबै

कास्ट खालामगासिनो दड। जायदआ बुडेदि, आं जेबो बुनो हायासै। बिथाड बुडे, बेफोर गासिबो बाथाफोरखौ दोन्थ'नोसै। आं खालि मोनसेल' सॉलु सॉनो सान्दो, मा नों एक्टर? एक्टिं खालामनो हायोना? आंहा जोबोर गात्रि मोन्दोमोन बे बायदि आंजो रावबो राययज्जायाखैमोन। आं बुडे आंनि जोनोमानो एक्टिं खालामनो थाखायसो जादों, आं अहंखार जानो नाजायाखैमोन।

एलान सेक्सआ 81 बोसोर बैसोआव जिउ गोमाबाय

1970 माइथायनि मुंदांखा सिटकाम 'वेलकाम बेक, काटर' नि लोगो-बिथोनगिरि एलान सेक्सआ 81 बोसोर बैसोआव रंसारि जाबाय। एलान सेक्सनि बिसि टेलेट् एजेन्ट एनेट भेन ड्युनआ मिबथि होयोदि, लिम्फमानि जेनाफोरनि जाहोनाव मंगलबारखालि निउयकंआव एलान सेक्सआ जिउ गोमाबाय। एलान सेक्सआ 22 बोसोरनिफ्रायनो बे बेरामजो भुगिनांगानिसो दडमोन, जेराव माखासे समनि थाखाय सोलायनायबो फेदोमोन। 1942 माइथायनि 9 डिसेम्बरखालि बुकलिनआव जोनोम जानाय सेक्सआ कमिडियान गेबे कपलानजो लोगो जानानै 'वेलकाम बेक, काटर' खौ



बानायदोमोन, जाय एबिसिआव 1975 माइथायनिफ्राय 1979 माइथायसिम सोलिनाय मोनसे हिट स्व'मोन। स्व'आव कपलानआ फोरोंगिरि गेबे काटरनि फाव दिन्थिदोमोन आरो 1970 माइथायनि संस्कृति टेलिभिजननि मोनसे गाहाइ बाहागो जायो। हिट स्व'नि उनाव गावनि जाफुंसारनायनि सिगां एलान सेक्सआ एबिसिनि नायबिजिरगा बिफानआव गावनि केरियारखौ जागायो आरो उनाव लस एन्जिल्सआव थाडो, जेराव बिथाडा मोनसे हाबाफारियाव मावसुमा महरै खामानि मावदोमोन। बिथाड 1970 माइथायनि गेजेराव मोनसे मुंदांखा स्व' 'चिक एन्ड दा मेन' आव सासे बिथोनगिरि महरैबो खामानि मावदोमोन।



1980 माइथायाव एलानआ 1984 डु-बिट-इअ' खौ डायरेक्टर खालामो। बेनि उनाव बिथाड 1986 नि थ्रिसिनखौ बानायो, जाय मोनसे स्केटबर्डनि सावथुनमोन, जेराव रेड हट विलि पेपारसनि गेजेरजो संगितबो दिन्थिनाय जादोमोन। उनाव सेक्सआ डिजि चनेलजो सोमोन्दो लाहैयो, जे राव बिथाड 1999 नि स्मार्ट बाउस आरो 2000 आव फेनाय बब्रथा देरहागिरि 'दा कलार अफ

प्रेन्डसिप' बायदि मुंदांखा प्रजेक्टफोरखौ टेलिभिजनआव बिथोन होयो आरो सावथुनआव खामानि मावनायनि अनगायैबो एलान सेक्सआ लस एन्जिल्स भेलि कलेजआव प्रफेसोरबोमोन। एलान सेक्सनि नख'रआव बिथानि आंगो बिसि एनेट वेन ड्युरेन, बिथानि फिसाफोर, जायनि मुंफोर फारियै- सामन्था आरो शैनन, बिथानि फिसाज्जा आस्टिन आरो बिथानि बिनानाव जडि दडमोन।

